

關里誌


山川 禮樂  
古蹟 恩典  
人物 林廟

四三九

ル 5  
1635  
3









九五  
1635  
3

闕里誌卷之四

禮樂誌

敘曰先王制禮作樂所以通神明正情性合和邦國而祖洽黔黎者也自姚姒子姬之簡尚或樸而不文或文而不慙非夫子折衷而定之曷繇令經曲律呂洋洋纒纒萬世率由而無弊乎以故上肇炎漢下暨勝國代有茲祀以隆報稱迨我

明興恪共愈篤禮備四代樂用八佾崇儒重道之典猗歟休哉昭天地而超今古矣用是標祀典于首璽玉



帛祝嘏之遺告也而章服謚號皆禮之大者故分類而記之至于禮器樂章懼其散佚也爰稽其典制編其顛末俾俎豆之司鼓翟之吏有所尋而守焉作禮樂誌

祀典

漢

高帝十一年過魯以太牢祀孔子詔諸侯王卿相至郡先廟謁而後從政丘濬曰此漢以下祀孔子之始亦新官到在謁廟之始一尹起莘曰自堯舜禹湯文武既沒天生孔子為萬代仁義禮樂之宗主生民之類不至糜爛絕滅者吾聖道扶持之

功用也自秦燔詩書坑學士其禍至于陳項極矣漢高之興過魯首祠孔子見天理之在人心自有不可得而泯沒者漢氏四百年基業其精神命脉蓋在于此

元帝初元元年詔褒成君霸以所食邑八百戶祀孔子還子福名數於魯

光武建武五年帝過闕里使大司空以太牢祀孔子

明帝永平十五年東巡至魯詣闕里宅廟祀孔子及七十二弟子張朝瑞曰此後世祀孔子弟子之始

章帝元和二年東狩過魯詣闕里以太牢祀孔子升廟西面立群臣中庭北面皆再拜帝進爵而後坐作代之樂大會孔子弟子年二十以上者六十二人因



拜僖郎中并賜孔氏男女金帛僖從還京師

安帝延光三年自泰山過魯祀於闕里

自魯相令丞尉孔氏親屬婦女

悉會賜帛有差

桓帝元嘉二年詔春秋享禮出王家錢給大酒河南尹

給牛羊豕各一大司農給米

靈帝建寧二年詔祀孔子依社稷出王家穀春秋行禮

三國魏

正始二年帝講論語使太常釋奠以太牢祀孔子於

辟雍

丘濬曰漢以來釋奠之禮始見於此前此祀孔子者皆於闕里至是始行於太學

晉

武帝泰始三年詔魯國四時脩三牲祀孔子

七年皇太子講經親釋奠于太學

丘濬曰此太子釋奠之始

東晉

元帝太興二年皇太子親釋奠先聖於太學廟

明帝太寧二年詔奉聖亭侯孔嶷四時祀孔子如泰始

故事

成帝咸康元年帝親釋奠于辟雍

穆帝升平元年親釋奠如故事權以中堂為太學



武帝寧康二年帝親釋奠於中堂以顏子配享

**南宋**

文帝元嘉二十二年釋奠孔子牲牢祭器悉依上公之禮舞六佾設軒懸之樂

**北魏**

太武始光三年起太學于城東祀孔子以顏回配

太平真君十一年車駕南伐至鄒山以太牢祀先聖

顯祖皇興二年遣中書令高允以太牢祀孔子以青徐

孝文帝延興二年詔孔子廟有婦女合雜巫覡淫祀者

禁之

太和十六年詔宣尼廟別勅有司享薦之禮有司廟享始此

十九年帝如魯城祀孔子拜孔氏四人顏氏二人官

**南梁**

武帝天監八年皇太子釋奠先聖有司議禮云先師在堂義所尊敬太子宜

登階階以所從師之義

**北齊**

文宣帝天保元年令魯郡以時修葺廟宇遣使致祭又

制春秋二仲行禮每月朔行禮祭酒領博士及國子諸學生每月朔日出

行事拜孔聖揖顏子一丘濬曰此後世朔日行禮之始



是年詔將講於天子先定經於孔父廟講畢釋奠行  
三獻禮

**陳**

宣帝大建二年皇太子釋奠先師祭酒以下登甬有差

後主至德二年釋奠於先聖禮畢設金石之樂會宴王公卿士

**隋**

文帝初詔國子寺每歲以四仲月上丁釋奠先聖先師

州縣學以春秋仲月立潘曰此郡縣二仲釋奠之始前此元魏雖命有司薦享然未名為釋奠亦無定時也

**唐**

高祖武德二年詔國子學立周公孔子廟各一所立潘曰自

曹魏釋奠孔子於辟雍後至元魏始有廟然不知其何時立也至是高祖始詔國子立廟然周公孔子各自為廟

七年帝詣國子學釋奠於先聖先師唐書云以周公為先聖孔子為

先師配

太宗貞觀四年詔州縣皆立孔子廟張朝瑞曰此後世郡縣立文廟之始

十四年帝親釋奠於國子學詔祭酒孔穎達講孝經

二十年詔皇太子於國學釋奠於先聖先師皇太子

六月戊戌



為初獻國子祭酒為亞獻司業為終獻

舊禮釋奠學官自為祭主

至是中書侍郎許敬宗等奏祭先聖先師秦漢無文魏則以太常行事晉宋以學官主祭請自今國學釋奠令祭酒為初獻祝辭稱皇帝謹遣某官司業為亞獻博為為終獻州縣以守令為初獻丞佐為亞獻博士為終獻一丘濬曰此後世國家遣官釋奠之始而守令主祭亦始於此

高宗乾封元年封禪還京師過曲阜親祭祠廟以太牢

睿宗太極元年皇太子開講筵親釋奠

玄宗開元七年皇太子齒胄于學謁先聖詔二獻皆用

胄子

十二年封禪迴詣孔子宅親設奠祭又遣使以太牢

祀墓

二十七年詔祀先聖樂用宮縣舞用六佾

陳暘樂書云開元中

釋奠始用宮架之樂即宮縣也

二十八年詔春秋二仲月上丁祭文宣王以三公攝

事

肅宗上元元年歲旱罷諸祀惟太學仍祀文宣王

德宗貞元二年釋奠詔自宰臣以下畢集於國學每年

春秋釋奠祝板御署訖北面而揖

宣帝大中元年宰臣白敏中請賜百縑文享祀

賜聖志

卷之四

六

戎王



關隸誌

卷之四

一

三〇六不

後唐

明宗長興二年復文宣王廟祀時朱梁喪亂廟祀廢故復之

後周

太祖廣順二年親征至交詣廟再拜或言天子不當拜

異代陪臣帝曰夫子聖人也百王取則安得不拜登

墓復拜祖庭廣記曰周高祖親征慕容彥超至兗州城將破夜夢一人狀甚魁異被王者服城陷

取委巷入適夫子廟在帝豁然曰昨夢殆夫子乎不然何路與廟會因駐蹕升堂瞻像一如夢中所見感喜下拜遂躬詣闕里拜奠詔留所奠銀酒器及爐于廟中又詣聖林拜墓勅所屬葺祠宇禁樵採

宋

太祖建隆年間二幸國子監詔祭文宣王用品禮立

十六戟於廟門

太宗端拱元年幸國子學謁文宣王時博士李覺方聚徒講書上即詔覺

令對御講曰陛下六飛在御臣何敢輒坐高座上因降輦命有司張帝幕設別座詔覺講周易之泰卦從臣皆列坐覺乃述天地感通君臣相應之旨上甚喜賜帛百疋

淳化四年從監庫使臣請先聖廟六衙朔望焚香

真宗大中祥符元年東封禮畢如曲阜縣謁文宣王廟

內外設黃麾仗上服舞袍詣廟行酌獻禮初有司定儀止肅揖上特再拜

祥符七年王且言請用先天節禮畢詣文宣王廟行

關隸誌

卷之四

七

楊



禮

天禧元年詔崇文館雕印釋奠儀注及祭器圖頒行下諸路

仁宗初即位幸國子監奠謁先聖退閱七十一賢贊觀東序及禮器

天聖二年幸國子監謁先聖舊儀肅揖特再拜

景祐元年詔釋奠用登歌按開元中已用登歌至宋則復用之

慶曆四年幸國子學謁先聖再拜

哲宗元祐六年幸國子監謁先聖行釋奠禮一獻再拜

徽宗大觀四年文宣王改執鎮圭廟門增立二十四戟

並如王者之制按周禮小行人成六瑞王用鎮圭

政和元年詔門人封爵及郡縣犯先聖諱者悉改正

政和六年賜堂上正聲大樂一副禮器一副于闕里

宣和四年車駕幸太學奠謁先聖

高宗紹興十年詔文宣祭與社稷并為大祀

十四年帝謁孔子遂臨太學止駕於大成門外登降步趨執爵灌獻躬瞻徽

宗大成樂成詔頒降肄習仍內降玉圭

孝宗淳熙四年幸太學謁奠孔子

寧宗慶元間定祀令文宣王為中祀



理宗淳祐元年帝謁孔子遂臨太學

度宗咸淳二年帝詣太學謁孔子行釋菜禮

**遼**

太祖神冊二年建孔子廟次年落成躬謁祭奠

**金**

熙宗皇統元年帝親祀孔子

退謂侍臣曰朕幼年不知孔子雖無位其道萬世景仰凡人為善不可不勉

世宗大定十四年釋奠先聖

詔依禮官議依開元禮合行祭器禮料羊三豕三酒

章宗明昌四年親釋奠先聖

論旨宣徽院曰朕以宣聖萬世帝王之師恐汝等未

論可備拜袒朕將拜焉

承安二年春丁帝親祀孔子

以親王攝亞終獻皇族陪臣位文武大臣助奠

**元**

世祖至元十年詔春秋二丁執事官員各依品序穿著

公服陪位諸儒衣襴衫戴唐巾行禮

中書省判送御史中丞兼領侍

儀司呈至聖文宣王用王者禮樂御王者衣冠南面當坐天子供祠其於萬世之絕尊千載之通祀者莫如吾夫子也切見外路官員提學教授每遇春秋二丁不變常服以供執事於禮末宜及照得漢唐以來祭文廟享社稷無非具公服執手板且鄉人儻孔子猶朝服而立干作階先聖先師安得不備禮儀故詔



成宗大德初，勅到任先詣先聖廟拜謁，方許以次詣神廟，著為令。

武宗至大元年，詔集賢院學士王德淵依舊例致祭，牲

太牢，欽齋制詞香祝文酒合用祭物，到於孔林行禮，因加封大成謚號，故也。

四年，詔以銀幣詣闕里祀孔子。

仁宗延祐七年，詔以白金一百五十兩，錦綺雜絲表裏

各一十三段，遣說書王存義詣魯，以太牢祀孔子，仁

宗手香加額以授之。綱鑑云：仁宗初即位，遣宦者李

行禮，方就位，忽大風起，殿上及兩廡燭盡滅，燭臺底

鐵鐫入地，尺許無不拔者。邦寧息慄，伏地諸執事者皆伏，良久風息，乃成禮。邦寧因慚悔，累日。

皇明

洪武元年

太祖高皇帝登極，詔內一欵：孔子曲阜廟庭，遣使致祭。

其襲封衍聖公并世職，知縣俱如歷代舊制，仍免孔

氏子孫差發。又

駕幸太學，行釋奠禮。臣孔貞棟曰：此我國家崇祀之始當。

皇祖正位宸極之初，頌下明詔，與民更新，乃首舉闕里之祀。及太學釋奠之禮，蓋知吾夫子之道由之則治，舍之則亂，故崇儒重道之典，汲汲于千戈甫定之日。大聖人作為起出，尋常萬萬矣。開萬世太平之業，實基



國里誌 卷之四 十一 三五六  
于此云

四年更定釋奠孔子祭器禮物孔子之祀像設高座而器物陳於座下弗稱其儀其來已久至是定擬各為高案其豆籩簠簋悉代以磁器丘濬曰宋蘇軾謂古者坐于席故籩豆之長短適與人均今土木之像既已巍然于上而列器皿于地使鬼不享則不可知若其享之則是俯伏匍匐而就食也由是觀之則孔子廟自唐設塑像以來已如此歷宋至元未之有改至是皇祖始正之云

十五年太學成孔子以下去塑像設木主遣官以太牢祭

帝遂視學釋菜服皮弁詣位再拜獻爵復再拜

十七年敕每月朔望太學祭酒以下行釋菜禮郡縣

學長吏以下詣學行香丘濬曰朔望行香之禮古未有也北齊每月朔祭酒博士

諸生展拜階下郡縣朔朝是時未奠今所謂香也至宋淳化四年始朔望焚香朱熹曰詣宜聖焚香不是古禮至我

朝始定為令朔望謁奠之禮徧海內矣

永樂四年

太宗皇帝謁孔子視太學將視學命禮部詳議禮儀尚書鄭賜言宋制謁孔子服靴

袍再拜  
上曰見先師禮不可簡必服皮弁行四拜禮

十四年遣官祭闕里

闕里志

卷之四

七

我全二百八五



宣宗元年

宣德皇帝登極遣太常寺寺丞孔克準詣闕里祭告先

師而下四配十哲兩廡俱用太牢

正統元年

英宗皇帝登極遣國子監司業趙琬詣闕里祭告

三年禁祀孔子於釋老宮

九年

帝幸太學釋奠孔子

景泰元年

景帝登極遣翰林院侍講吳節以香帛詣闕里祭告

天順元年

英宗復位遣工科左給事中孫昱詣闕里祭告

成化元年

憲宗皇帝登極遣吏部右侍郎尹旻詣闕里祭告又

駕幸太學釋奠孔子遣官取衍聖公弘緒并二氏子孫赴京觀禮

命衍聖公分獻沂國公一此遣官欽取之始

十二年增孔子廟籩豆樂舞之數遣翰林院學士王

獻詣闕里祭告章文懿曰國學之祭舊用十籩十豆增為十二郡縣之祭舊惟八籩八豆



增為十從祭酒周洪謨之請也詳見憲章錄

弘治元年

孝宗皇帝登極遣太常寺少卿田景賢詣闕里祭告又

駕幸太學釋奠孔子

以吏部尚書王恕言詔先師位加幣用太牢改分獻為分奠遣官

取衍聖公并三氏子孫觀禮命衍聖公分奠交國公禮畢欽賞弘緒及觀禮族人各紵絲衣一套又賜宴於禮部一按此欽賞賜宴之始

十二年廟災遣侍讀學士李傑詣闕里祭告

十七年重建廟成遣大學士李東陽以香帛并

御製碑文詣闕里祭告

正德元年

武宗皇帝視太學謁孔子

遣官取衍聖公聞韶并三氏子孫赴京觀禮

命衍聖公分奠沂國公以禪服未除辭命吏部右侍郎梁儲代欽賞賜宴照前例

嘉靖元年

世宗皇帝登極遣吏部尚書石瑄詣闕里祭告 本年

駕幸太學謁廟至櫺星門外即降輦步入禮畢仍步出

櫺星門外升輦

遣官取衍聖公聞韶并三氏子孫赴京觀禮外有乞

因觀禮三氏學生員彥隆承槃承緒等二名亦准觀禮欽賞賜宴照前例

九年釐正祀典



駕復幸太學

遣官取聖公聞韶并族人孔諱公禎承禎弘器聞達觀禮欽賞賜宴俱照前例

隆慶元年

穆宗皇帝登極遣尚寶司卿劉奮庸詣闕里祭告

本年八月初一日

駕幸太學

遣禮部主事劉繼文取衍聖公尚賢并二氏子孫孔謨承讀承元承字弘立觀禮

欽賞賜宴俱照前例又以分奠大臣特賜衍聖公羊一雙酒十瓶鈔二千貫家長孔謨吏部給與冠帶

萬曆元年

今上皇帝登極遣尚寶司司丞張孟男詣闕里祭告

萬曆四年

今上皇帝駕幸太學釋奠先師

遣禮部主事張程取衍聖公尚賢并三氏子孫

公寧公源承偕弘景貞樸觀禮欽賞賜宴俱照前例

謚號

周

敬王四十二年魯哀公誅孔子曰尼父

誅曰天不遺耆老莫相子位焉

嗚呼哀哉尼父一鄭玄曰尼父者因其字以為謚也一丘濬曰此後世追謚孔子之始蓋孔子儒教之宗師所謂為天地立心為生民立命為往聖繼絕學為萬世開太平者也自哀公誅之之後後世帝王屢加褒崇尊其人所以尊其道也

漢



關里詩 卷之四 三十七

平帝元始元年追謚孔子曰褒成宣尼公立濬曰此孔子謚宣之始  
語具嘉靖九年永嘉疏中

東漢

和帝永元四年封孔子為褒尊侯

北魏

孝文帝太和十六年改謚孔子為文聖尼父魏書帝臨宣文堂引

儀曹尚書劉昶等授策文聖之謚既而帝齋中書省親祭於廟既云齋於省祭於廟則知魏中書省又有宣尼廟我  
肅皇於文華殿奉先師孔子與歷代帝王尊崇之禮有光前代多矣

後周

靜帝大象二年封孔子為鄒國公裔孫封爵亦如之

隋

文帝贈孔子為先師尼父

唐

太宗貞觀二年尊孔子為先聖房玄齡等議武德中詔釋奠於太學以周公為

先聖孔子配享臣以為周公尼父俱稱聖人庠序置奠本緣夫子故晉宋梁陳及隋皆以孔子為先聖顏回為先師別祀周公請停周公升孔子為先聖以顏回配從之

十一年尊孔子為宣父



高宗顯慶二年復尊孔子為先聖

因永徽中復聖周公師孔子故長孫無忌

等言漢魏以來取舍各異孔子顏子互作先師周公尼父迭為先聖貞觀之初親降綸音依禮記之明文酌成康之輿說正夫子為先聖今當從之乃詔以周公配武王以孔子為先聖一

乾封元年追贈孔子為太師

天授元年封孔子為隆道公

玄宗開元二十七年追謚孔子為文宣王南向坐

先時廟庭

以周公南面而夫子坐西牖下貞觀中別祀周公而夫子位未改至是二京國子監天下州縣夫子始皆南面一丘濬曰文宣之謚始此亦孔子封王之始

宋

真宗大中祥符元年加謚孔子為玄聖文宣王

五年改封為至聖文宣王

帝禪泰山至曲阜縣謁先聖廟有司定儀止肅揖帝

特再拜遂如孔林降輿乘馬詣墓奠曰唐明皇褒先聖為王朕欲追謚為帝可乎有司檢討故事以聞或云文宣周之陪臣周止稱王不當加以帝號遂詔謚為玄聖文宣王追封叔梁紇為齊國公顏氏為魯國太夫人元官氏為鄆國夫人五年復改玄聖為至聖

徽宗崇寧元年詔追封孔鯉為泗水侯孔伋為沂水侯

元

武宗大德十一年詔加封孔子為大成至聖文宣王



文宗至順元年加封齊國公為啟聖王顏氏為啟聖王夫人

皇明

太祖高皇帝洪武初封爵仍舊

世宗肅皇帝嘉靖九年詔改稱至聖先師孔子從大學士張璁

之請也詳見藝文

章服

唐

玄宗開元二十七年封孔子為王仍內出王者衮冕之

服以衣之

按天子自云必居冕衣縫掖之衣長居宋冠章甫之冠至為魯司寇則有司寇之章服矣至是始衣王者衮冕云

宋

真宗大中祥符二年加先聖冕服桓圭一從上公之禮

冕九旒服九章

先是以木為圭至是始易以玉云

徽宗崇寧四年詔太常寺考正文宣王廟像冠服制度

用王者冕十二旒衮服九章

畫圖鏤板印賜仍頒降天下州縣學咸使依圖

改正從國子司業蔣靖言請也

金



世宗大定十四年國子監起請孔子廟大成殿聖像冠十二旒服十二章交國公鄒國公像九章九旒

皇明

洪武初塑像童服俱仍前代之舊

十五年南京太學成孔子以下去塑像設木主

朱熹語錄曰宣聖本不當設像春秋祭時只設木主祭可也一血濬論曰臣按塑像之設中國無之至佛教入中國始有也彼異教用之無足怪者後世莫覺其非亦化其道而為之甚非神而明之無聲無臭之道也我皇祖毅然見千古之非自夫子以下像不土繪祀以神主數百年夷教乃革嗚呼盛哉

嘉靖九年詔天下文廟去塑像易以木主

從輔臣張璉之請也

詳見禮文

禮器

按祀先聖備四代禮樂記曰泰有虞氏之尊也山壘夏后氏之尊也著股尊也犧象周尊也金廟中四尊皆備他可知矣文公朱熹曰舊禮器圖樣並依聶崇義之製不如政和皆考三代遺法鑄造制度精密氣象淳古知潭州日遂申省部乞行下依准用銅製造今祭器皆銅鑄其文公之遺歎

簠簋 比百成血黍稷之器有虞氏曰敦夏曰瑚商曰彝周曰簠



**籩豆** 籩古今皆竹製惟豆制不同夏楬豆殷玉豆周  
獻豆又魯王豆雕爾雅及鄭氏說以木禮旗  
人說以瓦呂氏考古圖說及政和近制以銅郊特牲  
曰鼎俎奇而籩豆偶陰陽之義也籩豆之實水土之  
品也

**犧尊** 按周官有司尊彝之職而犧尊取其犧牲享食  
之義犧牛形範金為之穴背受酒於腹上覆以  
蓋用貯終獻酒

**象尊** 取形於象以明乎夏德夏者假也萬物之所由  
而化也範金為之穴背受酒上覆以蓋用貯亞  
獻酒

**雲雷尊** 紐以螭首腹畫雲雷回旋之狀用貯初獻酒

**大尊** 大從泰有虞氏之泰尊瓦尊也貴本尚質

**壺尊** 其尊作壺形其脰飾饗餼腹著風雲不獨示有  
節止而又明其施澤之及時也

**山尊** 夏后氏之尊也郭璞云形似壺受五斗刻畫為  
山雲狀

**著尊** 按明堂位商尊曰著著著地而無足也

**壘洗** 皆所以盥也臨事而盥致肅恭之意壘盛水洗  
受棄水惡穢地也舊圖壘畫雲龍洗畫水文菱  
花今博古圖壘為饗餼雷文洗飾龜龍

**勺** 夏龍勺殷疏勺周蒲勺龍箴淵蒲生水疏有導引  
意今刻首為龍夏制也

**鼎** 鑪也用以焚香

**爵** 明堂位曰夏以棧商以斝周以爵按爾雅鍾小者  
為棧棧卑而淺故棧象斝而爵象雀而斝有耳焉



按禮書禽小者名爵火細者名燭其義取小為貴因著飲戒云洪氏曰太常爵制兩柱三足隻耳侈口今郡縣或以木刻雀置盃於背以承酒殊非也

**坩** 以置爵亦承尊陸氏曰古者爵有承盤坩與豐是已施於燕射曰曲賈氏曰諸經承爵器皆易本曲字從豆為豐年之豐謂時和年豐采盛豐備神歆其祀人受其福也鄭注云豐似豆而卑木製漆赤中畫赤雲氣

**登**

**銅** 用薦和羹

**俎** 明堂位曰周以房俎鄭注云房謂足下枌也孔疏云云俎頭各有兩足足下各別為枌其間有橫橫似堂壁橫下二枌似堂東西各有房也詩魯頌曰籩豆大房箋云玉飾俎也兩端赤漆中央黑

**篚** 竹為之鄭氏謂如車客如竹篚古用篚不一以奠爵以承食膳以置玉幣具載禮記今單以承幣蓋詩鹿鳴序實幣帛篚篚之遺意也

**樂器**

八音之器聖人法八風而為之其聲出於五行之氣其制器之法則以十有二律為之度數以十有二聲為之齊量有具一聲者有具十二聲者清濁高下八音克諧故奏之可以格神祇和上下修己治人變化氣質轉移風俗以至於風氣禽獸皆可以感召蓋天地間皆陰陽二氣所為故其氣相為感通有如此



麾幡

以絳繒為之長七尺闊一尺一寸上板繪雲下板繪山以相連首尾前面繪升龍後面繪降龍各塗以金及五色彩雲朱竿長八尺五寸末施銅龍首塗金銜其麾下垂樂中麾生執之升龍向外降龍向內舉之則升龍見樂作偃之則降龍見樂止以木為架朱髹閑則植其上

應鼓

革之為器去故意也為群音首其卦坎其方北其時冬其風廣莫其律黃鍾其聲一其音謹冬至之氣也每奏樂一句以槌擊者三但節轉從容也

鼗鼓

其制如鼓司此者掛於項上兩手拊之以應鼓節樂

笛

笛之為物其直節而有制其心虛而能通而利制之音所由出也其卦則震其方則東其時則春其聲尚議其律姑洗其風明庶其音濫春分之氣也

簫

截竹為之以紅絨絲繫之吹者宜緩取其音斯悠揚不迫

搏拊

鼓中實糠擊以節樂

祝

祝所以合樂狀方如漆桶中有槌柄連抵撞之擊以起樂

敵

狀如伏虎背刻二十七齟齬木戛之而成聲所以止樂也虎西方陰獸其形伏故以止樂

編磬

磬之為物堅實而不動其卦則乾其時則秋冬之氣則辨立冬之氣也以堅木為槌竹為柄司磬者擊之其音律則與鐘同凡擊則先擊鐘以宣一字之音既闕則擊磬以收之所謂金聲而玉振之也

編鐘

金生於土而別於土其卦則兌其方則西其時則秋其風闔闔其聲尚羽其音鏗立秋之氣也以堅木為槌竹柄司鐘者擊之則有六律六品以應十一月之候又有清聲以配之

笙

其母用匏匏之為物其性輕而浮其中虛而通笙則以匏為母植管匏中象植物之生故名曰笙

易且志 卷之四 我文 四百六十三



排簫一名鳳簫排竹如鳳翼故以鳳名也

琴絲飾物而成聲其卦則離其方則南其時則夏其聲尚宮其律蕤賓其風景其音哀白虎通曰琴者禁也禁止于邪以正人心也

瑟伏犧氏作瑟黃帝使素女鼓五十絃瑟而悲故止為二十五絃頌瑟也雅瑟二十三絃二者制各不同

埙埙之為音以土為質以水相合而成器故具水火土之形中虛上銳火之形也平底水之形也圓體土之形也

箎以竹為之此樂聲大宜輕用氣吹之其聲乃和以合眾樂

管截竹為之為十二孔以應十二月之音

樂章

按樂章即人之詩歌也以其被之於樂故曰樂章古

今祀先聖之樂不相沿襲難以盡列列其名而已我

朝樂則全錄通典曰周之樂章以夏為名宋以水為名

梁以雅為名隋亦以夏為名唐以和為名唐書樂志

貞觀二年祖孝孫造十二和樂至開元中國子博士

范頽又撰三和樂一曰祓和二曰豐和三曰宣和顯

慶三年詔祀文宣王廟用宣和之舞宋以安為名有

凝安同安明安成安緩安五曲金以寧為名有永寧

靜寧肅寧和寧安寧五曲章宗又改四曲曰來寧淨



寧溥寧德寧惟肅寧一曲仍舊又遣太常教孔氏子  
孫各習其藝以脩祭祀元則因宋之舊亦以安為名  
武宗又添微饌奏娛安送神奏寧安二曲我

朝洪武二十六年頒大成樂於天下府學令州縣如式

製造

國朝欽定樂章

迎神 咸和之曲無舞

大哉宣聖道太德仲尊林崇上維南持林

王化太斯民民上是合宗太典合祀太有上仲常林

精南純林並太隆上仲神六其南來尺格上於尺昭上

聖合黃容太

尊幣 寧和之曲有舞

自太生上仲民尺來上仲誰太底合黃其上盛太惟南王尺林

神仲明太度合黃越上仲前上仲聖太案上仲帛太具上仲成尺林

禮合黃容太斯尺稱上仲黍太稷上南非清馨尺維南神尺林

之仲聽太

初獻 安和之曲有舞

大哉上仲聖合黃師太實南天尺生上仲德太作上仲樂太



以<sup>上仲</sup>崇<sup>尺林</sup>時<sup>上仲</sup>祀<sup>尺太</sup>無<sup>尺林</sup>敦<sup>上仲</sup>清<sup>尺清</sup>酌<sup>尺南</sup>惟<sup>上仲</sup>馨<sup>尺仲</sup>

嘉<sup>尺林</sup>牲<sup>上仲</sup>孔<sup>尺黃</sup>碩<sup>合四</sup>薦<sup>尺太</sup>羞<sup>尺南</sup>神<sup>尺清</sup>明<sup>尺林</sup>庶<sup>尺南</sup>幾<sup>尺林</sup>

昭<sup>上仲</sup>格<sup>尺太</sup>

亞獻 景和之曲有舞

百<sup>上仲</sup>王<sup>尺南</sup>宗<sup>尺林</sup>師<sup>上仲</sup>生<sup>尺林</sup>民<sup>上仲</sup>物<sup>尺太</sup>軌<sup>尺黃</sup>瞻<sup>尺黃</sup>之<sup>尺南</sup>

洋<sup>尺林</sup>洋<sup>上仲</sup>神<sup>尺林</sup>其<sup>上仲</sup>寧<sup>尺太</sup>止<sup>尺黃</sup>酌<sup>尺太</sup>彼<sup>尺黃</sup>金<sup>尺林</sup>壘<sup>上仲</sup>

惟<sup>上南</sup>清<sup>尺林</sup>且<sup>尺太</sup>旨<sup>上仲</sup>登<sup>上仲</sup>獻<sup>尺太</sup>惟<sup>尺林</sup>三<sup>上仲</sup>於<sup>尺黃</sup>嘻<sup>上南</sup>

成<sup>尺林</sup>禮<sup>上仲</sup>

終獻 曲同亞獻有舞

徹饌 咸和之曲無舞

犧<sup>上仲</sup>象<sup>尺太</sup>在<sup>上仲</sup>前<sup>尺林</sup>豆<sup>尺太</sup>籩<sup>上仲</sup>在<sup>尺黃</sup>列<sup>尺太</sup>以<sup>尺太</sup>享<sup>上南</sup>

以<sup>尺林</sup>薦<sup>上仲</sup>既<sup>上仲</sup>芬<sup>尺林</sup>既<sup>尺太</sup>潔<sup>上仲</sup>禮<sup>尺黃</sup>成<sup>尺太</sup>樂<sup>上仲</sup>備<sup>尺太</sup>

人<sup>上南</sup>和<sup>尺林</sup>神<sup>上仲</sup>悅<sup>尺太</sup>祭<sup>尺黃</sup>則<sup>尺太</sup>受<sup>上仲</sup>福<sup>尺林</sup>率<sup>尺黃</sup>遵<sup>上南</sup>

無<sup>尺林</sup>越<sup>上仲</sup>

送神 咸和之曲無舞

有<sup>尺太</sup>嚴<sup>上南</sup>學<sup>尺林</sup>宮<sup>上仲</sup>四<sup>尺黃</sup>方<sup>尺太</sup>來<sup>上仲</sup>崇<sup>尺太</sup>恪<sup>尺黃</sup>恭<sup>上南</sup>

祀<sup>尺林</sup>事<sup>上仲</sup>威<sup>尺南</sup>儀<sup>尺林</sup>雝<sup>上仲</sup>雝<sup>尺太</sup>歆<sup>上仲</sup>茲<sup>尺林</sup>惟<sup>上南</sup>馨<sup>尺林</sup>

神<sup>上仲</sup>馭<sup>尺太</sup>還<sup>尺林</sup>復<sup>上仲</sup>明<sup>尺黃</sup>禮<sup>上南</sup>斯<sup>尺林</sup>畢<sup>上仲</sup>咸<sup>上南</sup>膺<sup>尺林</sup>



陽里詩 卷之四 言

百仲福太

望瘞 曲同送神無舞

書籍附

宋太宗至道三年賜孔氏御書六經

真宗大中祥符二年孔廟石刻中書門下牒玄聖文

宣王廟入內侍省內侍殿頭張文質奉旨於御

書院交割到裝褙 太祖皇帝御製御書文字一部

共五十七件計一百五十七卷軸策并內降金渡銀

器物色等并九經書及疏釋文并二史書管押赴交

州曲阜玄聖文宣王廟收掌 太祖皇帝御製御書

御製十二願一卷御製心輪偈頌一部計二十一卷

御製逍遙詠一部計一 一卷御製秘藏一部計三

十卷御製緣識一部計五卷御製金剛經宣演一部

計六卷 以上紫大綾絹夾襪子五色漆帶子朱經兩頭木軸子 御草書孝經一

部御製御書秘閣贊一卷御草書千字文一卷御八

分書千字文一卷御書大字孤城詩一卷御書法帖

一部計一十二卷御製九絃琴阮歌一卷御製喻言

一卷御草書急就章一卷御八分書真定王碑



御書二般大字詩二卷御草書筆法一卷御草書

一卷御製聖教序雙鈎書一卷御書四體五體書二

卷御製無名說一卷御製日行誠一軸御八分書故

實一卷御製筆談歌一卷以上紫大綾絹大標子五色經帶子黑漆兩頭木軸

子御草書諸雜詩簇子二十軸御飛帛書帝佛字二

軸御飛帛書有註無註簇子二軸御飛帛書遠看不

假詩二軸御製心輪圖一軸御草書故實七軸御製

有益無益銘一軸御製惠化行一軸御篆書孝經碑

陰額一軸御八分書秘閣贊碑額一軸以上紫大綾絹夾標子黃

絹帶子黑漆兩頭木軸子御倣鍾繇書一卷御書小字法帖一卷

御草書詩一卷御札百官曆頭一卷御草書自述一

卷御書大言賦一卷御製聖教序一卷御製怡懷詩

一卷御製今體律詩一卷御製古調十韻詩一卷御

製七言詩一卷御製喻言一卷御製五言詩一卷御

書五言詩一卷御製基譜一卷御製基勢譜一卷御

製基勢一卷御製迴文心輪圖一卷御製御書秘閣

贊碑一廳御草書孝經碑一廳以上紫大綾絹夾標子五色帶子黑漆兩

頭木御製動懷篇一策御製迴文詩一策以上紫大綾絹夾標子



裝一昨降赴玄聖文宣王廟充供養器物等項金渡銀香爐一座實重一百兩渾金渡銀香盒一具實重五十兩并揀香一盒渾金渡銀匙一柄實重三兩渾金渡銀稜碟子二十隻諸般香藥共二十袋子封印金黑漆香藥匣子一隻鎖鑰全緋羅銷金帕子一條黃卷袱一條牒奉勅國家尊崇師道啟迪化源眷惟鄒魯之邦是曰詩書之國尼山在望靈宇增嚴朕以登衽告成迴鑾款謁期清風之益振舉緼禮以有加式資誨誘之文更畫闡揚之旨宜以所賜太宗皇

帝御製御書與九經書并正義釋文及器用等並置於廟中書樓上收掌委本州長史職官與本縣令佐等同共檢放在廟如有講說釋奠並須以時出納勿令損污此勅文仍仰刊之於石昭示無窮

仁宗慶曆八年賜孔氏全監書

哲宗元祐元年賜監書各一部

皇明

成祖文皇帝欽頒五經四書性理大全通鑑綱目為善陰騭等書各一部



正德辛未劉賊入闕里以上書籍焚毀無幾  
上命禮部復照目頒賜各一部

已卯山東巡按御史熊相會同巡撫都御史王珣檄  
兗州府學教授林馨布于四方子史百家之書畢備

孔氏著述書籍

孔子家語十卷

王肅後序曰孔子家語者皆當時公卿士大夫及七十二弟子之所諮訪交相對問言語也既而諸弟子各自記其所問馬與論語孝經並時弟子取其正實而切事者別出為論語其餘則都集錄之名之曰孔子家語

孔子三朝語七卷

孔子對魯三公之語也故曰三朝云

子思子七卷

晁氏曰魯孔伋子思撰

讖言十一篇

孔穿撰

孔叢子七卷

晁氏曰楚孔鮒撰仕陳勝為博士以言不見用託耳疾而退論集其先仲尼子思子上子高子順之言及已之行事名之曰孔叢子凡二十一篇

小爾雅一卷

陳氏曰漢志有此書亦不著名氏唐氏有李軌解一卷今館閣書目云孔鮒撰蓋即孔叢子第十一篇也曰廣詁廣言廣訓廣義廣名廣服廣器廣物廣鳥廣獸凡十章又廣度量衡為十三章當時好事者抄出另行

孔安國古文尚書註十三卷

晁氏曰漢臨淮太守孔安國撰古文尚書至晉齊間始顯唐孝明不喜古文以今文易之又類改其辭如舊無頗今改無陂之類是也又曰安國撰



定五十九篇之書蓋以隸寫籀故謂之隸古篆書自漢迄唐行於學官明皇不喜古文改從今文由是古文遂絕陸德明獨存其一、二於釋文而已宋呂大防得本於宋次道王仲至家以較陸氏釋文雖小有異同而大體相類觀其作字奇古非字書附會穿鑿者所能到學者攷之可以知制字之本也

古文孝經一卷

崇文總目漢侍中孔安國註班固藝文志有孝經古文孔氏一篇二十二章本出屋壁中前世與鄭康成註並行今孔註不存而隸古文與章數存焉

孝經註一卷

孔光註

北海集二十五卷

孔融撰

春秋公羊集解十四卷

春秋穀梁集解十四卷

漢尚書十卷

後漢尚書六卷

魏尚書八卷

漢春秋十卷

後漢春秋六卷

春秋國語二十卷

國志歷五卷

以上俱晉廣陵相孔衍撰

易經正義十四卷

晁氏曰唐國子祭酒孔穎達與顏師古司馬才章王恭馬嘉運趙乾

叶王琰于志寧等同撰序稱江南義疏有十餘家辭尚虛誕皆所不取唯王弼之學獨冠古今以弼為本採諸說附益之

尚書正義二十卷

晁氏曰穎達因梁費昶疏廣之唐儒學傳稱穎達與顏師古司馬才

章王恭王琰撰五經義訓百餘篇號義贊詔改為正義雖包貫異家為詳博然其中不能無謬况馬嘉運駁正其失永徽中于志寧張行成高季輔就加增始布天下



毛詩正義四十卷

崇文總目唐國子祭酒孔穎達撰  
晁氏曰穎達據劉玄劉焯而為本  
刪其所繁而增其所簡云自晉室東遷學有南北之  
異南學簡約得其英華北學深博窮其枝葉至穎達  
始著義疏混南北之異雖未必盡得聖人之意而刑  
名度數亦已詳矣

春秋正義三十六卷

崇文總目唐國子祭酒孔穎達  
撰按漢張蒼賈誼尹咸鄭眾賈  
逵皆為詁訓然參用公穀二家至晉杜預專治左氏  
其後有沈文阿蘇寬劉炫皆據杜說貞觀中穎達據  
劉學而損益之長孫無忌等又復損益其書乃定宋  
孔准等奉詔是正

禮記正義七十卷

晁氏曰唐孔穎達等貞觀中奉詔  
撰其序稱大小二戴共氏而分門  
王鄭兩家同經而異註爰從晉宋逮于周隋傳禮樂  
者江左尤盛其為義疏者甚多唯皇甫侃熊安生見  
於世然皇甫為勝今據以為本其有不備則以熊氏  
補焉

穎達集五卷

見唐書

律文二十卷

孔珪撰

孔子編年三卷

晁氏曰宋孔傳撰取左氏國語公羊  
史記及他書所載孔子事實以年次  
之自生至卒

東家雜記二卷

晁氏曰孔傳撰纂其家舊聞逸事歷  
代追崇先聖故事及孔林古跡

後六帖三十卷

孔傳撰以續白氏六帖之後

文樞要紀 杉谿集

俱孔傳撰

闕里世系一卷

晁氏曰宋孔宗翰修孔子家譜也唐  
藝文志有孔子系葉傳今亡其家所  
藏譜雖曰古本止敘承襲者一人故多疎略宋宗翰元  
豐豆未知洪州刊續紹興中端朝緒之止於四十九代



洪興祖又以史記并孔光孔僖傳及太子賢詩與宰  
相世系諸家校正且作年譜列于卷首

奏議叢璧四卷

孔元龍撰

素王世紀

孔元敬撰

景從子

孔璞撰

吏事總龜二卷

孔璋撰

錫山草堂集五卷

孔拱撰

舞雩春詠集十卷

孔諤撰

闕里文獻錄四卷

孔承懿撰

孔門僉載八卷

孔弘幹撰

闕里誌卷之四

終

闕里誌卷之五

恩典誌

敘曰嘗謂盛德必祀百代不絕自古聖賢孰有吾夫  
子食報于萬世者豈不以開蒙覺夜功在萬世乎故  
凡受其賜者無論褒衣博帶之士自効一辦于黌宮  
卽秉籙握符之主恒飛十行于闕里爲之優其賜予  
而支庶通金門之籍復其租庸而子姓起版圖之外  
他若泮宮有田筦庫有司祭享有伯羽籥有師卒史  
供掃拚之役而祠宇常潔嗇夫終畎畝之功而蒸嘗



不價特恩異數焜耀竹帛二代之封固難殫其尊崇  
三恪之胤亦遠遜其優渥矣是雖累朝相沿之舊至  
我

皇明始基隆大備超軼往牒偉哉煥乎萬世不刊之鴻  
規在焉

君恩祖澤烏可泯而無述也作恩典誌

恩例

漢武帝元朔二年拜孔臧為太常恩賜如三公

童帝元和二年幸闕里大會孔氏男子六十三人賜

孔氏男女錢帛

安帝延光三年過會祀夫子孔氏親屬婦女悉會賜

帛有差

唐太宗貞觀十一年命褒聖侯家祭服玄冕朝會位同

三品

玄宗二十七年詔文宣公位於文官一品之下

肅宗上元二年詔凡大祀其褒聖公朝位在文官二

品之下

宋真宗咸平初即位召見孔延世賜以祭器經書金帛



遣之

景德三年資政殿大學士王欽若奏令諸道州府軍監文宣王廟摧毀處量破倉庫頭子錢修葺仍令曉示今後不得占射支磨勘司推勘院及不得令使臣官員等在廟內居住

祥符元年駕至曲阜謁廟詔文宣公伯叔兄弟子侄併許陪位又賜孔延渥等五人同學究出身又宣賜孔氏銀三百兩帛三百疋俵賜諸房

天禧二年賜文宣公家祭冕服又賜行宮材修葺廟宇又勅交州差兵士四十人員寮一人於本廟巡宿守護官物仍委轉運司於轄下有衣甲軍器處約度支與本廟

仁宗嘉祐六年賜飛帛書殿榜并金字篆廟碑差劉溫良等押送初寫碑時上巾櫛而書其尊師重道如此

哲宗元祐元年勅白身合襲封人與除承奉郎專以主先聖祠事為職添支供給隨本資次每三年理為一任用本路及按察官薦舉依吏部格關陞資



任如朝廷非次擢用許依舊帶管公爵出令以次合襲封人權主祀事每遇親祠大禮冬正朝會許赴闕陪位

本年准孔宗翰奏襲封之人不許兼領他官使終身在鄉里專主祀事

徽宗政和四年命後苑作製造御前生活所造牌御書大成殿頒降本廟從四十七代孫文林郎舒州司戶曹事若谷之請也

**金**童宗明昌七年行郊禮召元措赴闕侍祠位在終獻之次

大定間召孔恣赴闕欲留隨朝任用力以祀事辭歸特恩授兼曲阜縣令按衍聖公兼縣令自此始

**元**成宗大德四年翰林國史院准翰林學士閻中奉牒竊惟先聖文宣王之後自漢以來襲封公侯之爵俱有食邑歷代相仍至唐宋金視舊有加各依品秩頒支俸給國朝有天下累聖崇奉至元三十二年今上皇帝即位首授五十三代孫密州知州孔治中議大夫襲封衍聖公爵一品散官四品合得俸祿未蒙給賜古者任官然後爵之位定然後祿



之上自一品下至司縣小吏俱有俸給况朝廷崇  
 聖人之後既已頒降宣命獨領虛名未沾實祿豈  
 稱爵祿相須之義照得前代襲封各兼他職視其  
 兼職以為俸廩之差今既無兼職合視散官品秩  
 照依隨朝正四品例每月幫支俸鈔俾之有爵有  
 祿以奉祭祀益見明時尊崇聖道之意送戶部照  
 擬得孔治乃先聖之後欽受宣命中議大夫襲封  
 衍聖公行使正四品印信既是有爵例應有祿如  
 准翰林國史院所舉比依太史院同知俸例月支

中統鈔二錠於濟寧路就便支給本部照得我朝  
 自定官制以來無封爵食邑之例內外百官止請  
 所受官職之俸參詳國制遵依前代盛典既封孔  
 治為衍聖公授以四品散官及四品印信擬合比  
 照隨朝四品官例給俸實為應得咨襲封府依上  
 關支施行

仁宗延祐二年歲丙辰九月十九日戊午中書委官  
 宣使劉振民乘傳頒降衍聖公銅印一祿四品同  
 在朝專主奉祀



英宗至治二年詔有司卹孔氏子孫貧乏者

泰定三年山東廉訪副使王鵬南言襲封上公而秩

四品於格弗稱明年陞嘉議大夫詔給三品印

順帝至正八年進衍聖公克堅中奉大夫秩二品改

授二品銀章

皇明洪武元年衍聖公希學首朝南京

太祖高皇帝賜以錦綵六端命回守祖庭未幾受封特

命班亞上相降給二品銀印

三年五月初四日左丞相宣國公等官於正宮門西

耳房欽奉

聖旨孔祭酒在前曾說多有同姓的指着先聖宗派都

來曲阜四散居住中間多有不知禮義相聚日久

恐相連累今後除襲封這一宗派休教他當差其

餘不係聖派子孫分揀出來與百姓一體當差欽

此

十一年希學入

賀萬壽勅中書下禮部用心禮待又勅下禮部察所在

以安之是歲希學卒遣行人賜祭葬遂著爲例



十七年孔訥襲封入京館之太學拜封之日受誥

大庭百寮班列仍命禮官以教坊樂導引送之太學

師生二千餘人迎於成賢街而入

洪熙中

欽賜衍聖公彥縉居第于東安門北

正統元年詔凡先聖先賢子孫流寓他處者俱優免

差役

景泰二年賜衍聖公彥縉三合銀印玉帶一品金織

衣

六年弘緒襲封入京賜以金圖書一顆

御篆謹禮崇德四字

天順元年

英廟復祚念衍聖公賜第湫隘以大第易之今之居第

是也

嘉靖二十八年衍聖公貞幹上疏言族屬繁衍家範

日弛請

賜勅一道令其督率族長管束而重戒其不率者

嚴嵩所撰墓誌一按請勅管束族人自此始



四十一年

賜衍聖公尚賢管束族眾勅一道

隆慶三年復

賜衍聖公尚賢管束族人勅一道

恩官

漢高帝元年賜孔聚爵蓼侯傳子臧孫琳曾孫黃俱嗣

侯後坐事失爵

桓帝初詔以孔氏一人為魯從事終漢世十有一人

北魏獻文帝皇興三年詔孔氏四人為官

太和十六年帝祀孔子拜孔氏四人官

南宋文帝元嘉二年詔十八代孫孔鮒為百戶主掌禮

器

唐玄宗開元十二年詔文宣公家每代長子一人承襲

兼賜一子官

憲宗元和十五年詔文宣王家與一子官

武宗會昌五年有事於南郊詔文宣王後與一子官

宣宗大中元年有事於南郊詔文宣王後與一子官

僖宗乾符二年有事於南郊詔文宣王後與一子官



**宋**

太平興國二年孔世基以鄉貢進士賜同本科出身

祥符元年以進士孔渭賜同三傳出身

宣和四年幸學特賜孔朝端上舍出身

六年幸學特賜孔端木進士第永為舊規以後名不

乾道二年孔琬以白身最長恩授迪功郎遂為定例

以後有八人詳見世家誌

嘉熙二年孔應得補入大學淳祐元年幸學賜同進

士出身

咸淳二年幸學用五十一代應得例恩賜孔景行進

士出身

**金**

明昌初上訪耆德恩賜孔端修進義校尉

四年以襲封年幼恩賜孔璪權管勾祀事璪續祖庭廣記

**元**

初年錄孔子後恩授萬憲湖州儒學提舉

至順二年衍聖公思晦請設尼山書院以彭璠為山

長

至元三年世尹克欽創修洙泗書院請于朝以谿達

識為山長初以異姓任後改孔氏子孫任之洙泗山長自孔濱始尼山山長自思本始

**皇明** 洪武元年部議題

陽里志

卷之五

我文二百



准仍元之舊額設尼山洙泗二處山長各一員聽衍聖公保舉族人之賢者任

正德二年衍聖公聞韶奏改山長職銜為學錄孔彥

弘述孔弘墳孔弘顯俱任洙泗書院學錄孔彥章孔弘舉俱任尼山書院學錄

給田

北魏賜田以養孔氏子孫

宋真宗大中祥符元年賜田百頃

哲宗元祐元年賜田一百大頃至八年三月奉勅將舊賜田一百頃均給族人新賜田一百頃撥二十

頃廟學贍生員二十頃文歲時祭祀十頃置殿庭

簾幙其五十頃歲收出糶修葺祠宇

本年又添賜田一百頃使其家依鄉原例自召入耕

種更不用職田制操之法

高宗紹興八年詔衢州於係官田內撥五頃賜衍聖公孔玠主奉祀事

金天會八年仙源縣主簿孔若鑑奏免賜田稅課

明昌元年本廟言舊賜田二百大頃因值其革除見在外四十八大頃八十六畝不知下落已申上司



後承戶部符於豐縣區村張村新村潘村李村慕義六處貼撥足數計准今時官畝一百七十三頃二畝一分五釐七毫

五年續給地六十餘頃房屋四百間

泰和元年再撥廟東南地六十四畝一分一釐助釋奠費

元成宗大德五年修廟成衍聖公治遣其子曲阜令思誠請碑遂留為國子監丞勅中書賜尚珍署田五十頃

皇明 洪武元年

欽賜孔廟祭田五屯地共計若干頃每頃徵銀若干除祭祀正項支用外三氏學教官俸祿生員科貢盤費及屬官子粒各役工食盡在屯糧內支用餘銀聖公府自行支銷

計開

鎮野屯 獨山屯

平陽屯 鄆城屯

東阿屯

免役

漢永壽二年魯相韓勅碑文聖母顏氏聖配行官氏念聖族之親禮所宜異復其邑中繇發

按漢時以夫子之外親尚



免其差役則孔氏子孫之從來無差法蓋可知矣

**唐** 太宗貞觀元年詔孔氏子孫並免賦役

高宗乾封元年勅褒聖侯德倫既承胤嗣有異常流其子孫並免賦役

玄宗開元十三年駕幸闕里詔孔氏子孫並免賦役

**宋** 太宗太平興國三年詔曲阜縣文宣王家歷代以聖人之後不與庸調周顯德中遣使均田抑同編戶

今可特免  
按五季亂世君不君臣不臣則孔氏之抑同編戶何惟也至有宋文明之世自復漢唐之舊矣

**金** 熙宗皇統二年勅免孔氏子孫賦役

童宗明昌元年勅免孔氏子孫賦役

**元** 太宗九年詔奉上絲綿顏色稅石軍役大小差發並行蠲免

成宗大德二年復免孔氏子孫合納稅粟三十三石四斗二升

**皇明** 洪武元年十二月十九日戶部崔尚書實侍郎同

朱學士漢指揮周指揮陸鎮撫等官於  
太謹身殿西廊下奉



太祖高皇帝聖旨孔氏子孫皆免差發稅糧有司依例科徵欽此

七年二月二十二日禮部劉尚書等官於奉天門奉聖旨恁寫出漢唐宋待孔氏子孫典故來我就定奪將去欽此隨將漢唐宋待孔氏子孫典故奏進奉聖旨衍聖公與免本戶稅糧三十頃餘田起科族人田土依舊納糧免差

成化元年據五十六代孫克昫奏奉

憲宗純皇帝聖旨孔氏名下續買民間徵糧地一百二

十六頃五十六畝四分蠲免稅糧三分之一

弘治十八年族長希瑾等連名狀告漢唐宋以來迄於金元孔氏子孫並免差稅逮我

皇明崇重尤盛今有續買民地二百五十三頃一十二畝三分七釐八毫三絲不免站銀告蒙

欽差提督學校山東按察司副使陳鎬批聖門古今通尊稅糧差發俱蒙優免何獨站錢該科徵乎仰交州府除豁繳申蒙兩院案驗量將合人站地畝編入各府州縣庶不獨累曲阜



正德二年衍聖公聞韶奏稱臣叨世嫡獨享貴榮而  
 一般宗族貧難者多切慮木本水源連枝同派臣  
 祖視之均是子孫臣專主祭田止供祀事別無俸  
 祿可以贍給同氣與言及此竊不自安乞免成化  
 年間所徵稅糧三分之一等因奉

武宗毅皇帝聖旨孔氏稅糧盡行蠲免以示朕崇重先  
 師之意

隆慶二年山東稅糧道參議張公均地將孔氏免糧  
 地土盡派徵糧每畝外加白地銀三分三千年免

差之家有差自張公始

詳見鳴冤錄

孔氏鳴冤錄

附

懇乞除免新編差役急救倒懸以安貧族以光聖  
 聖治事切照孔氏一族忝為先聖之後自周迄今世居  
 闕里別無生計只事耕讀叨賴祖宗功德荷蒙累  
 朝眷顧歷漢唐宋金元之間代有恤典設學以教給田  
 以養恩數稠疊光昭古籍按有元五十一代襲封衍  
 聖公孔元措奏准命丞相耶律楚材纂修用行孔氏  
 祖庭廣記所載北魏時賜田以養孔氏子孫唐太宗  
 貞觀元年詔孔氏子孫并免賦役高宗乾封元年詔  
 孔氏子孫並免賦賦役玄宗開元十二年詔孔氏子孫  
 並免賦役宋太宗太平興國二年詔曲阜縣文宣王  
 家歷代以聖人之後不與庸調周顯德中遣使均田  
 抑同編戶今可特免真宗大中祥符元年賜田百頃  
 哲宗元祐元年添賜田一百大頃至六年三月奉  
 將舊賜田一百頃均給族人新賜田一百頃撥



頃廟學贈生員二十頃，元歲時祭祀，本平又添賜田一百頃，高宗紹興八年詔，衢州於孫告田內撥五頃賜衍聖公孔玠主奉祀事，金熙宗皇統二年勅免孔氏子孫賦役，又給田官畝一百二十三頃二畝一分五厘七毫，五年續置田六十餘頃，房屋四百間，泰和元年再撥廟東南地六十四畝一分一厘助釋奠費，元成宗大德二年除孔氏子孫合納稅粟三十三石四斗二升，大德五年勅中書賜田五千畝，党懷英修廟碑，云漢唐以來給賜有田先儒謂孔子以萬世為士，非空言也，迨我

聖朝褒崇愈至，單敷洪恩，奉新舊制，洪武元年大赦天下，詔書內一款，曲阜廟庭已嘗遣使致祭，其襲封衍聖公世襲知縣，並如歷代舊制，仍免孔氏子孫差發稅糧，有司亦免科徵，欽此。七年奉

聖旨，衍聖公與免本戶稅糧三十頃餘田，起科族人田土，依舊納糧免差，其曰依舊納糧者，蓋指續買民地而言，非謂革其舊賜之多而免其新田之少也。前代

賜田世世相因，自來無糧，何謂依舊此我

皇祖酌古創制，度越前代，天覆地載之恩，昭如日月，信如四時者也。洪武二十年丈量起科，前項免數盡除，額外成化元年五十六代孫克明奏稱，養贍不敷，溢飽無托等因奉

憲宗純皇帝聖旨，將孔氏續買民間徵糧地一百一十六頃五十六畝四分，蠲免稅糧三分之二。正德元年六十一代孫襲封衍聖公聞部奏奉

武宗毅皇帝聖旨，孔氏稅糧盡行蠲免，以示朕崇重先師之意。國初依舊納糧之說，實指此一百一十六頃五十六畝四分也。舊賜田八百三十餘頃，節年與民間互相交易淆亂，不分民買孔氏免糧地，不用過割，是以官府不能見其畝數，孔氏續買民地，必須過割，是以官府明白可查，奸民因此指為口實，紛告攀差，嘉靖四十一年間，僉議惟是均地，可辦免徵二頃地數，方絕後詞，查得本縣原額六百七十七頃二一十步，丈量槩縣共均得地二千一百三十七頃一十八畝三分三厘，除足本縣徵糧地



七頃八十三畝五分尚餘地七百餘頃蓋合孔氏舊免地數孔氏以為撥雲霧而觀青天竟可雪而告攀朝新免不准前代舊賜遂將舊田七百餘頃洒入襄縣多加步數折之熟地至一千一百三十三步折一畝荒地至一千步折一畝強合原額之數且我太祖立法定制地無二千步算一畝者查得宋高宗紹興八年賜衍聖公孔玠衢州田五頃後伊子孫被罪沒於民間至我

朝正統十年浙江按察司僉事彭買奏准仍歸孔氏管業前代之典盛朝亦不廢也流寓之士尚存祖居者豈忍除乎於平告均地者本為分豁徵免二項明白以杜百姓告攀不期反蒙其害遂使二千年舊業一旦屬之編民此孔氏覆盆之冤何所控訴猶謂孔氏病民良可痛也此猶其小者也白地銀差原為寄庄而設今乃以孔氏同於僑寓每畝除正糧外又加徵白地銀三分以代民差編為馬夫泉夫水夫兵夫皂隸民壯悉出孔

氏之門夫以孔氏土居二千餘年而謂之寄庄可乎以免差之孔氏而負累反過於齊民可乎九重深遂無以自達孔氏受禍不足惜矣至於背違我太祖高皇帝孔氏仍免差發之明旨謂之何哉今賢者在朝廷達者居要路誦法孔子豈無惻隱之心念及後裔乎恐未之詳聞耳知則無不願為之圖也為此啣冤上聞伏乞俯垂鑒察一按張公諱鑑號石洲四川人時為山東管糧參議隆慶三年原任懷慶府通判孔彥碩原任廣信府推官孔弘鐸同闔族人等具揭

學田

元至正三十一年撥到學田數目

曲阜縣地共計九大頃五十畝

小薛村西一畝四分  
馬村地一畝四分

郭文



段九十畝一大畝一段二十畝  
大墳一春亭村西南泗河灣內地一段一頃一四  
濱村南山岡曳嶺一段五大頃

沛縣秦家庄地一段一十大頃

以上地碑文俱有  
四至

沛縣刁陽里三氏學田三千畝

載思晦墓表

皇明仍元之舊將刁陽里田賜為三氏學田今名三界

灣界于沛縣魚臺滕縣三縣之間租銀本學官徵  
收除公用外以贍貧生

元統元年江西僉事任忙古台以墨坐沒入鄆城縣

私田八頃九十畝屋二十七間奉旨付孔氏子孫

為業載歐陽玄田宅記

至順間衍聖公思晦言於部命鄒縣長沐陽令同

往尼山覈復學田一百五十畝歲入粟四十八石

國朝續墾尼山周圍田二十餘頃以贍三氏生員

萬曆中御史吳達可充守陳良材增置學田共伍頃

屬官

元初衍聖公府止設掌書一人延祐間始添設管勾典

籍司樂各一員祿視國子監且給管勾印掌書祿

視監寺從衍聖公思晦之請也

皇明洪武元年十二月十九日禮部議設官員人數奏



准額設官屬人等宜從襲封衍聖公舉保堪用人數具

呈都省以憑鈐用

書寫一名

知印一名

奏差一名

管勾一員  
司樂一員

典籍一員  
掌書一名

前件本部傅侍郎張郎中同陳修撰李起居注單  
起居注安給事中安殿中侍御史宿衛等官於  
奉天門奏奉

聖旨准擬欽此

樂舞生

一百二十八名

洪武七年十一月十一日奉禮部咨填

內府湯字三十二號勘合為釋奠事內開宣聖廟四  
時祭祀合用樂舞生於府州縣儒學生員內遴選  
或於民間俊秀子弟內選用備行准取到濟寧曲  
阜等州縣樂舞生張濤等一百二十餘名內將二  
十名起送太常寺協律郎處習演樂舞蒙  
欽賜寶鈔還回常川在廟應充前役俱照廩膳生員事  
例除本身優免外供給人二丁

成化十二年間該國子監祭酒周洪謨奏奉  
聖旨准增添樂舞生李整等八十名通行天下諸司衙



門知道欽此欽遵

弘治九年間又該太常寺卿崔志端奏奉

聖旨是准令添樂舞生二十六名俱照前例優免欽此  
欽遵

禮生

洪武七年奉例止許於曲阜縣十六社內選用隨選  
到禮生陳慶等六十名應役其優免供丁事例俱  
同樂舞生至嘉靖三十年間奎文閣典籍錢汝芝  
具奏申明舊規其間名缺者選補足數載在文

廟碑記可考

廟戶

魯哀公十七年立廟於舊宅置守坐廟百戶

漢桓帝元嘉三年三月詔孔子廟置百戶卒史一人掌

領禮器

靈帝建寧中給守廟百戶

魏文帝黃初元年詔令魯郡修起舊廟置百戶卒史以  
守衛之

南宋文帝元嘉十九年十二月詔蠲墓側數戶以掌洒



掃魯郡士民孔景等五戶居近孔子墓側可蠲其  
役以供洒掃

北魏孝文帝泰和十九年給邑一百戶

唐太宗貞觀十一年給先聖廟戶二十以奉享祀

睿宗太極元年正月詔本州取側近三十戶以供洒  
掃

玄宗開元十三年復給近孔墓五戶

二十七年詔賜百戶洒掃

憲宗元和十三年復置洒掃五十戶

懿宗咸通四年給洒掃林廟五十戶

後周太祖廣順二年給復廟側十戶為洒掃戶

宋景德四年詔交州舊以七戶守孔子墳宜增至五十  
戶

真宗大中祥符元年給近便十戶以奉坐城是年十  
一月修葺祠宇復給近便十戶奉坐廟

仁宗慶曆四年勅本縣中等人戶內差廟戶五十人

充本廟洒掃諸般祇應

慶曆中梁適知交州日乞以廟兵代廟戶又裁減  
人數方是時宰相章得象欲如其請參知政事范



仲淹獨曰此事與尋常利害不同自是朝廷崇奉聖師美事仁義可息則此人數可減吾輩雖行他人必復之朝論遂已當時天下以此賢仲淹而鄙得象

熙寧中新法行裁減洒掃戶存三十人看林戶存三

人元祐元年勅依舊法差洒掃戶五十人看林戶

五人並依役人法按減之者王安石復舊者可馬温公也

金孔廟戶食直官為應付

元太宗九年奉旨洒掃廟戶依舊一百戶奉上差法并  
行蠲免不係州縣所管

至元二年罷洒掃戶至成宗大德五年復給洒掃二

十八戶從衍聖公孔治之請也

皇明洪武元年山東等處行中書省吏房准戶房付准

中書省咨近准江淮行省平章韓榮祿咨為林廟

洒掃戶女戶樂戶事該照田平章榜文收集洒掃

廟戶一百戶女戶樂戶二十六戶尼山廟原設一

十五戶另有石碑可考雖有舊典增減准否例從

朝廷開咨施行遂據翰林國史院官會同太常博士

陳承事議得女戶樂戶不見歷代載籍明文例難

存設林廟洒掃人戶擬合存設名數多寡宜從



朝省定奪得此遂據尚書禮部呈定擬到各項事理  
 開坐咨請施行本部議得上項洒掃人戶合依漢  
 唐宋舊制存設一百戶外女戶樂戶不見載籍例  
 難定擬洪武元年十二月十九日禮部傅侍郎張  
 郎中同陳修撰李起居注單起居注安給事中安  
 殿中侍御史宿衛等官於  
 奉天門奏奉  
 太祖高皇帝聖旨准擬欽此欽遵  
 本年蠲免洒掃人丁一百戶差役

佃戶

宋哲宗元祐元年賜田許自召人耕種按此有佃戶之始  
 皇明洪武初  
 欽賜祭田許招募佃戶依前代體例  
 宣德間戶部踏勘地土五屯佃戶共存五百戶計一  
 千丁遂為定例



關里誌卷之五終

關里誌卷之六

林廟誌

敘曰粵自兩楹夙奠百代尸祝杏壇屈九重之尊馬  
 鬣駐六龍之駕至今一畝之宮麗於天府三板之土  
 臚於岱宗豈非並乾坤亘今古而常存者乎乃若祥  
 儲坤靈秀毓中和故次尼山之祠振響木鐸授業函  
 丈故次洙泗之堂藏珠埋玉木本水源故次防陰之  
 玄宮此皆蒸嘗之區松楸之地子孫歲時所奔走而  
 嚴事者也嗟嗟丁崇儒重道之朝荆棘無故自除值



戎馬倥傯之日手槍有時而燃是林廟之興廢實氣  
運不泰之一大機括也烏可以弗識哉至於公牙以  
宅宗子賢關以育聞孫皆附廟庭而建置者因以類

記之作林廟誌

至聖先師廟

在今縣城中央即闕里故宅也中為正殿  
九間徽宗崇寧元年詔殿名大成先聖南  
面四配十哲分侍左右後為寢殿七間祀夫人元官  
氏寢殿之東為殿三間西向以祀伯魚寢殿之西為  
殿三間東向以祀子思又後為聖蹟殿壁上皆石刻  
也正殿之前為杏壇即講堂遺址也漢明帝幸孔子  
宅御此說經後世因以為壇壇左右為兩廡東廡五  
十間祀澹臺滅明以下五十四位西廡五十間祀宓  
不齊以下五十五位杏壇前宋真宗御贊石碑十有  
二又前為大成門門凡五間旁有掖門左曰金聲右

曰玉振大成門之外有唐朱金元碑各覆以亭碑亭  
之左為居仁門又左為毓粹門是為廟東碑亭之右  
為由義門又右為觀德門是為廟西碑亭之前為奎  
文閣閣凡五間制甚壯麗亦謂之藏書樓東西列

本朝

御製碑亭樓之左右各為掖門三間掖門東為衍聖公  
齋戒所掖門西為有司齋戒所閣前為門五間漢魏  
古碑在焉門之前為大中門三間門榜字舊為宋仁  
宗御書大中門之前有三門故金之舊制也三門之  
前為石橋三以跨壁水石橋之前復為大門五間門  
皆圓洞如城門制東西各為一坊榜曰德侔天地道  
貫古今其前有石坊榜曰太和元氣坊前為櫺星門  
東西大道也左右各暨下馬牌金章宗明昌二年立  
門南有石坊鐫金聲玉振四字坊與南城門相直城  
門上鐫萬仞宮牆胡纘宗書自廟門以內檜柏于章  
皆數百年物矣廟之西偏為啟聖公廟前為正殿三  
間後為寢殿三間以祀夫人類氏啟聖廟前為金絲  
堂三間以貯樂器相傳即夫故宅魯共王聞樂處



也宋時建五賢堂於此

本朝改建易以今名堂前為啟聖門廟之東偏為家廟五間祀先聖二世三世及中興祖俱考妣一櫝如家禮制孔氏子孫私祠也家廟之前為詩禮堂五間宗子所為糾族宣訓者舊為宋真宗駐蹕之所已以賜孔氏之族使為齋室

本朝更為今名堂前為燕申門其他祭庫神厨牲房罔不備列四隅為樓以比王公之制廟左為衍聖公第第前為三氏學學前為闕里坊古闕里也廟創於魯哀公十七年漢魏唐宋代有修飾至金皇統大定間制乃大備元至元丁卯大德戊戌至正己卯凡三修焉

本朝洪武初奉

詔修未樂十四年又撤其舊而新之成化十八年始廣

正殿為九間規制益宏弘治十二年災奉

詔大加鼎建遣輔臣祭告皆有

御製碑記嘉靖隆萬以來守臣代有修葺前後各有碑記

尼山聖廟

在縣東南六十里尼山之上周顯德中魯守

文宣公宗愿大建廟宇至順三年衍聖公思晦請命重建賜額尼山書院立學舍祭田設山長一人奉祀國朝洪武十年衍聖公希學未樂十五年知縣克中萬曆十七年知縣弘復俱重修一其制中為大成殿五間以奉夫子後為寢殿三間以祀夫人東廡三間以祀伯魚西廡三間以祀子思廟之後為書院廟之西北為啟聖王廟廟後有寢殿以祀聖母顏氏外有重門有周垣垣之外西南有毓聖侯廟以祀山神宋皇祐三年封尼山為毓聖侯云

洙泗書院聖廟

舊名先聖講堂在林之東二里許泗水

舍并井瓮猶存周敬王三十二年先聖自衛反魯於此刪詩書定禮樂繫周易魯記所載孔子講堂即此漢光武東巡過魯坐孔子講堂是也至元曲阜尹克欽因舊址創建請額為洙泗



鄆人宋元隆記嘉靖三年山巡按李獻重修撰呂拱記一其制正殿三間中先聖四配十哲東西相向東廡三間西廡三間以祀群弟子書院在廟之後今廢外有重門門外有石坊勝曰洙泗書院門外一石碣鐫洙泗書院四字元至正十年山長諮識達書

先聖林

在縣城北二里許

前枕舊魯城林門與縣北門相直夾

路檜柏森然圍徑數十里繚以周垣永樂間知縣克

中創建之垣也林木茂密多不知名其中楷木縱橫

有文為世所貴無荆棘無鳥巢豈紫陽所謂將吾道

終不可沒燕而鳳鳥有時而至者與

魯世世相傳以歲時奉祀孔子

塚一漢建寧二年魯相史晨擬夫子守塚吏四人月與除佐一唐開元二十二年車駕至魯遣使以太牢祭

其墓一五代周廣順二年敕禁樵採一宋徽宗大觀元年立賞錢十貫禁樵採林木許人告捉一秦始皇伐林墓得虛墓五間皆石為之堅不可動有白兔出其中逐之而沒遂不敢發一金粘沒喝入龔慶府軍士欲發孔子墓喝問通事高慶裔曰孔子何人曰古之大聖人也喝曰大聖人墓安可發誅軍士一金天會七年大元帥駐兗州登杏壇奠拜復詣聖林適軍士有發泗水侯墓者方深尺餘命執縛謂陵周覽訖以伐墓十一人至廟南十里外悉誅之

先聖墓

在林中央墓前有碑史記孔子葬魯城北泗上

弟子心喪三年相訣而去子貢廬於塚上凡六年弟子及魯人從而家者百餘室一王充論衡曰孔子當泗水而葬泗水為之卻流一春秋演孔圖曰鳥化為書孔子奉以告天赤爵御書上化為黃玉刻曰孔提命作應法為赤制孔子卒以所受黃玉葬魯城北一孔藁子曰夫子墓塋方一里在城北六里泗水上諸孔氏封五十餘所人名不可復識有銘碑



二所獸碑俱存一皇覽曰孔子家去魯城一里塚塋百畝塋中不生荆棘刺入草樹以百數皆遠方弟子各持鄉土異種所植魯人世世無能名者墓高丈餘前為石壇其厚三尺方亦如之壇石縱橫各七其數四十有九墓前一室東向相傳子貢廬墓處也外有孺垣環之墓之東南為享殿三間殿前翁仲二左執笏右帶劍石麟石虎四華表二漢永壽元年魯相韓叔節建殿之前有門三間門之左為思堂壁上石刻唐宋時物也有宋真宗駐蹕亭門之前為洙水水上有橋橋東有輦路路南為觀樓樓在周垣之上魯城北城也樓南為林坊扁曰宣聖林坊之前為大石坊五洞鐫萬古長春四字萬曆二十二年山東撫按鄭汝壁連標建

伯魚墓

在先聖墓東少南相去僅數步墓前有碑鐫泗水侯墓孔子商人蓋尚右也

子思子墓

在先聖墓南相去數十步墓前有碑鐫沂國述聖公墓

泗水令墓

在孺垣外之西北葬四十一代孫光嗣中興祖之父也

中興祖墓

在孺垣之外先聖墓東北葬四十二代孫仁玉

封隴西郡太君李氏墓

在殿中丞墓之前中興祖夫人也

殿中丞墓

在先聖墓西南葬四十四代孫宜

工部侍郎墓

在泗水令墓之西北葬四十四代孫最

諫議大夫墓

在中丞墓之西北葬四十五代孫延澤

御史中丞墓

在員外墓之西南葬四十五代孫道輔張宗益有銘

尚書比部員外郎墓

在諫議墓之西北葬四十六代孫宗愿

文肅公墓

在先聖墓西北葬衍聖公思晦今公爵之始襲封者也



祭酒公墓

在文肅墓之西北，葬文肅之子克堅，自此而西北行，穴皆歷代宗子塚也。不脩載其禮墓，大夫之遺與。

啟聖林

在縣東二十里，叔梁大夫與顏氏合葬墓南，負防山北，臨泗水。禮所謂合葬於防者是也。墓前有齊國公廟，廊廡重門，俱脩金。明昌甲辰，衍聖公元措立石表，其神道溢津，高翻書墓之東南，南三丈許，伯皮墓在焉。永樂間，知縣希範立石。

襲封衍聖公府

附聖廟東，與廟牆臨。洪武十年，衍聖公希學創建，弘治十六年重修。其制：頭門三間，二門二間，二門內有儀門，儀門之北正廳五間，東西司房各十間，後廳五間，穿堂與正廳相連。退廳五間，東、西廊房各五間，左為東書房，右為西書房，退廳東南為家廟，祀高曾祖禰五代衍聖公。退廳之後為內宅，樓閣房室不能具載。

孔顏曾孟四氏學

附襲封公府南。魏黃初二年，崇聖侯羨創建，宋祥符二年殿中丞勗知縣事，奏准就廟側建學，稱為廟學。云延祐間又益以顏孟二氏至我。

皇

明洪武二年，改為二氏子孫教授，各生止入學習禮。未有生員之名，亦不勾當公務。或有以儒士應試京闈者，或有以儒士由府學應試者。正統九年，衍聖公彥縉始題。准應山東鄉試成化元年，衍聖公弘緒奏。准降到三氏學印一顆，始名三氏學。創開歲貢之例。嘉靖十年，兩院題。准照州學例，廩增各三十名。然未有廩米也。二十年題。准加廩米二百七十。三石。二十三年復加膳夫六名。萬曆十五年，兩院奏。准又益以魯氏改鑄四氏學印，今名四氏學。云其制有頭門有二門，左右兩角門，明倫堂五間，東齋五間，曰啟蒙，西齋五間，曰養正，後堂五間，再後堂五間，曰公。子號房，衍聖公膺襲讀書處，東為教授宅，西為學錄宅。萬曆十年，遷建于按察司東，管縣事知州孔弘復修。



關里誌卷之六

終

關里誌卷之七

山川誌

敘曰吾夫子之生也苞兩儀之間氣應五百之昌期  
 寧待頽府司命牛溲效職而後神降尼丘哉然蓬壺  
 東來脉注於筆牀之峰雲沂西去源發於五老之麓  
 洙泗之流環合迴伏如結繪帶風氣所都實寓內之  
 陸海神臯矣則夫鍾靈毓秀濬哲發祥豈一無所借  
 資而然耶謹按圖經表而出之闡篤生之自也其視  
 太乙高近天都徒滋華士之偽隱昆明空虛夜月間



增騷人之悲歌者未可同類而共稱矣無關聖蹟者不書作山川誌

尼山

在縣東南六十里即顏母所禱處也其東有顏母山其西有昌平山山脉皆自泰山來其外衆山連絡環拱不可勝數若尼山之翼云一祖庭廣記曰顏氏禱于尼丘升之谷草木之葉皆上起降之谷草木之葉皆下垂其山五峰連峙謂之五老峰中峰即尼丘迥出霄漢間所謂圻其頂者此也中峰之麓有先聖廟

廟北為中和壑壑上有觀川亭子在川上處壑下沂水出焉水經註曰沂水出魯城東南尼丘山西北是也流而下注為智源溪溪流而南其上為坤靈洞洞有三門中為一室廣可兩楹內有石床石枕石几皆天成也元皇慶間廟戶管用吉成入而見之鄒尹司居敬因刻孔子石像於中其後為兵所損子孫奉之葬於山巔過溪而東有文德林宋仁宗皇佑二年以孔子誕生之地封山神為毓聖侯有御製碑記

宋真宗東封王欽若言祭尼丘山上有紫雲氣長八九丈詔遣入內殿頭楊懷玉祭謝一金泰和八年八月二十七



日以先聖誕辰前期一日孔子率合族詣尼山廟祭  
奠日方午俄聞空中有樂作皆金石絲竹之聲凡在  
一舍間皆聞之出祖庭廣記

### 顏母山

在尼山東三里兩山相對中隔沂水上有顏母井及

祠堂遺址

魏馬

地形志云魯縣有顏母祠堂迄今尚存

### 昌平山

在尼山之西五里史記孔子生魯昌平鄉卽此今名

魯原村

### 防山

在縣東二十里高三里峰如筆床記云孔子父母合  
葬於防此也

### 洙河

在縣北二里卽泗水分流也水經出泰山蓋縣西南  
至卞縣受盜泉水盜泉出卞城東北卞山之陰又西  
南流于卞城西合于泗水至魯縣東北分爲二水北  
爲洙瀆春秋莊公九年冬浚洙是也

按今洙水與泗水不通上源在

聖林之東止一溝瀆似古魯城之隍也穿聖林而橫  
流過先聖墓前出林復西南流入于沂其故道不可  
考矣



泗河

在縣北八里先聖林之後國語宣公夏濫於泗淵里  
革斷呂棄之韋昭云在魯城北是也由泗水縣陪尾  
山發源來入境逕齊國公墓後又逶先聖林之後西  
南流至兗州府城東沂水來入之達于濟寧天井闡  
入漕

沂河

在縣南門外曾點浴乎沂夫子曰吾與點也發源尼  
山之麓西北流逕縣城南又西流至兗州府城東入

於泗水水經所謂魯雩門也河南岍有舞雩臺

按以上三

水皆入漕運亦國家有用之水也



關里誌卷之七 終

關里誌卷之八

古蹟誌

敘曰關里列在職方雖最爾如斗乎爰自黃帝定鼎  
 姬公分茅迨至春秋玉書肇瑞水精降神夫子生而  
 為萬世教主焉固帝王之舊墟實賢聖之奧區也故  
 覆載照臨之下戴髮含齒之倫有不仰尼防若金湧  
 泝洙泗若銀漢者乎紅杏之壇緇帷之林有不瞻之  
 若玉京而望之若仙都者乎弧矢枌榆之鄉一事一  
 物凡經吾夫子所履有不驚觀天球夜光愛而慕之



者乎寧與廢苑荒城故宮斷碣令人墮岷山之淚增  
離黍之悲者同日語哉後之君子入門墻而遺蹟可  
求觀遺蹟而景行是思矣作古蹟誌

**闕里**

漢晉春秋曰闕里者夫子之故宅也在魯城中又  
云魯縣有闕里者其說各異所言之闕里其謬  
遠矣自先聖作春秋成號稱素王闕里者素王之庭  
除也不曰鄉里而曰闕里蓋謂聖人講道之庭諸弟  
子尊稱也歷代帝王之庭曰帝闕曰金闕曰玉闕曰  
鳳闕皆帝庭之稱也聖人之庭曰闕里以別群祠之  
構耳後漢鮑永為魯郡太守孔子闕里無故荆棘自  
除從講堂至里門愚故曰蓋里門也

**杏壇**

在先聖殿前即先聖與弟子授受之遺址也杏壇  
碑金懷英書

**兩觀**

在古魯城雉門之外周圍各四十步高一丈東西  
相去一百步杜預注雉門公宮之南門兩觀闕也  
春秋定公二年先聖為魯司寇攝行相事誅少正卯  
於兩觀之下是也

**雙相圃**

在廟西南一百二十步周圍二里昔先聖射於  
雙相之圃觀者如堵晉太康志曰雙相圃在魯  
城內縣西南近孔子宅是也今圃中猶存舊井皆石  
為之泰和四年衍聖公元措築臺於中今改為儒學

**五父衢**

在廟東南五里昔聖母殯於五父之衢此也

**端門**

在聖廟東南夫子疾謂子貢曰端門當有赤書子  
貢候之果然書曰趣作法孔聖沒周姬亡慧星出  
秦人滅胡亥術書既散孔不滅子貢以告因往觀之  
化為赤鳥飛去蓋緯書依托之辭也

**講堂**

即今洙泗書院也舊名孔子講堂內有硯臺井詳  
見林廟誌

**魯親里**

聖母顏氏之所居也

明里誌

卷之八



**安樂里** 聖配元官氏之所居也漢末壽二年魯相韓叔節以聖族之親禮所宜異復其邑中繇發有碑記惜歷年久遠一里之名雖存而其地不可考矣

**昌平鄉** 在昌平山下夫子所生之地也今名魯原村

**顏母井** 在顏母山中遺址猶存春秋祭尼山之日遣族人祭其井云

**孔瀆** 于竇搜神記云孔子生於空桑之地今名孔竇在魯南山之穴其言雖誕而不可信或者以孔瀆為孔竇歟今其地不可考想相去顏母井不遠一按魯相史晨勅瀆井復民飾治桐車馬于瀆上擬守井舍吏四人月與佐除時漢建寧二年也

**昌平亭** 漢建寧二年魯相史晨碑記伏念孔瀆顏母井去市道遠酷買不能得香酒美肉今於昌平亭下立會市一按亭名昌平是以昌平山得名也故址在昌平山下今廢

**魯壁** 夫子舊宅也今為鄆國夫人殿按世家孔子卒諸儒講鄉射於夫子所居堂魯哀公因立為廟後世即其殿藏先聖衣冠琴瑟車書至漢太史公適魯觀先聖廟堂車服禮樂諸生習禮於其家低回不忍舍去漢魯共王好治宮室壞孔子舊宅以廣其居聞金石絲竹之聲乃不敢壞於其壁中得古文經書此也宋王偁有銘

**手植檜** 兩株在贊德殿前高六丈餘圍一丈四尺其文左者左紐右者右紐一株在杏壇東南隅高五丈餘圍一丈三尺其枝蟠屈如龍形世謂之再生檜晉末嘉二年枯死隋義寧元年復生唐乾封二年又枯死宋康定元年復生金貞祐甲戌北虜犯祖廟焚及三檜適四十九世孫廟學正塘泔族人避兵于廟俄有五色雲覆其上雲中群鶴翔鳴良久而散幸收煨燼之餘携至闕下至大甲申內省知事除開封府李世能命工刻為先聖容暨從祀賢像召衍聖公元措瞻仰因紀其事後八十年歲在癸巳是為元世宗



至元三十年，導江張頌來為教授。甲午春，東廡頹址，壁隙間茁焉。其芽躬徙復於故處，矢之曰：此檜日茂，則孔氏日興。明年春，翠色葱然。又明年丙申，秩滿去，喜其言之有徵也。因識以銘，據是年距我國朝洪武改元僅七十五年。檜之復生，乃開我中原盛治兆也。迨弘治己未，聖廟災，復燬。至今百餘年，雖無枝葉而直幹挺然，狀如銅鐵。皮生苔蘚，生意隱然。不見朽腐。他日復榮，諒可必也。夫宋米芾有贊元導江張頌有銘。

夫子甕

漢鍾離意為魯相，出私錢萬三千付戶曹孔詵，修夫子車，身入廟拭几席，劍履時有男子張伯除堂下，草中得玉璧七枚，伯懷其一，以六枚白，意意令主簿安置几前。其堂下床首有懸甕，意召詵問答曰：夫子甕也，皆有丹青人莫敢發，意曰：夫子所以遺甕，欲以垂示後人，因發之，得素書，文曰：後世修吾書，董仲舒護吾車，拭吾履，發吾笥，會稽鍾離意壁存七張，伯懷其一，意即召問，伯果服焉。

孔子春秋臺

在曲阜縣南十里，一郭景純注述異記。

孔子石硯

夫子故宅廟屋三間，牀前有石硯一枚，制甚古，隋遺錄。

孔子履

晉武庫火，張華恐趙王倫為變，列兵固守，然後救之，故歷代之寶及孔子履悉焚焉。一晉書。

孔林石龕

子思墓前，二龕徑三寸深，半寸前，漢居攝元年二月造，有曰：上谷府卿者，有曰：祝其卿者，字甚古拙，餘字剥落。

孔林古楷

在至聖林享殿後，高四丈五尺，圍一丈，枯而不朽，水經註：孔子既葬，弟子異國各持其土所宜植於墓前，此蓋子貢植也。

孔里

譙周曰：孔子沒，魯人就冢，次而居者百有餘室，因名曰孔里云。



石壇 昔先聖沒弟子於冢前以塊斃為壇方六尺至後漢末壽元年魯相韓叔節始易之以石方三尺厚如之縱橫各七其數四十有九四面皆歷代題名歲久漫滅字不可讀

廬墓堂 在夫子墓西東面後人因子貢廬墓建堂三間扁曰子貢廬墓處

白兔溝 先聖墓北有虛墓五間皆石為之秦始皇發冢有白兔出於中始皇逐之至曲阜西八里溝而沒魯人因名其溝曰白兔

駐蹕亭 在先聖墓道東宋真宗東封駕詣關里顧問先聖墳何在子孫引導鑾輿至林真謁畢坐於亭上宣兩府及兩制賜茶亭有古碑字多殘闕帝命詞臣拂藪辨認盤桓久之今輦路與亭俱存

關里誌卷之八終

關里誌卷之九

人物誌

敘曰吾夫子肇濬靈源俯垂神緒當其時續服於過庭繩武於負薪者尚已三千年來昭穆之胤雲耳之孫振振蟄蟄要皆梧桐之新枝蓂屨之似續也時中之軌固翹首莫企矣然被服祖訓漸摩家學得其一體列於四珍者代不乏人或班聯清貫白額為能亢宗或器華明堂青箱足以秀世孰非聲華譜牒冠冕宗門者乎倘不指述而臚列之將令寶冑齊伍於田



僅鴻雋混迹於樸樾非所以昭先德而示遐裔矣詩

云無念爾祖聿修厥德奕世濟美是又所望於後之

幹蠱者云作人物誌

賢達子孫列傳

戰國

穿字子高

為人清虛沉靜嘗適趙國與公孫龍會于平原君所辨其白馬非馬之說龍又言臧三耳甚難而實非也謂兩耳甚易而實是也不知將從易而復與孔子高辨事其人理勝於辭公辭勝於理辭勝於理終必受詘平原君崇以師禮抗志不仕

謙字子順

史記作慎又名斌穿之子也魏王聞其賢遣使奉黃金束帛聘以為相謂使者曰若王信用吾道故為治世也雖蔬食飲水吾猶為之若徒欲治服吾身委以重祿吾猶一夫耳魏國奚少一夫乎使者曰魏國狹小乏於聖賢寡君久聞下風願親受教耳於是之魏凡九月陳大計輒不用乃嘆曰言不用是吾言之不當於主而居人之官食人之祿是尸利也尸利素食吾罪深矣退而以疾歸

鮒字子魚

謙之子也季則謂子魚曰大丈夫不生則務無用之業當身不蒙其榮百姓不獲其利切為先生不取也子魚曰不如子之言武者可以進取文者可與守成今天下擾擾終必有定子修武以助之進取吾修文以助之守成不亦可乎吾不才無軍旅之任徒能保祖業優游以卒歲者也陳王涉徵為博士凡六旬老於陳將沒戒其子弟曰魯天下有仁義之國戰國之世講習不衰且先人之廟在焉吾謂孫叔通處濁世而清其身學儒術而知其權變是今師也



宗於有道必獲令聞爾歸必專之

**臧**父聚為漢都尉以破項羽功封參侯臧嗣爵歷位九卿武帝時遷御史大夫辭曰臣世以經學為家相承作訓法今俗儒繁說遠本雜以妖妄難以為訓侍中安國受詔綴集古義臣乞為太常典臣家業與安國紀綱古訓使永垂後世帝從之禮賜如三公者書十篇賦二十篇

**安國字子國**父忠文帝時為博士封褒成侯生子武嘗為武帝博士魯共王欲壞孔子舊宅於壁中得古文尚書及論語孝經等乃不壞宅悉以書還孔氏安國承詔作尚書傳孝經傳論語訓解皆科斗本也又集孔氏家語四十四篇會坐盛事起不果上仕至臨淮太守子邛傳家學尤善詩禮

**霸字次孺**詳具世紀

**光字子夏**霸少子也年未二十舉為議郎成帝初即征舉為博士數使錄冤獄行風俗振賸流民奉使稱旨由是知名以博士高第為尚書觀故事品式數歲明習漢制及法令上甚信任之轉為僕射尚書令凡典樞機十餘年守法度修故事上有所問據經法以心所安而對不希旨苟合如或不從不敢強諫爭以是父而相安時有所言輒削草藁以為董主之過以奸忠直人臣大罪也有所薦舉唯恐人之聞知徙光祿勳為御史大夫丞相居公輔位前後十七年自為尚書止不教授後為卿時會門下生徒講問疑難舉大義云其弟子多成就為博士大夫者見師居大位幾得其助力光終無所薦舉至或怨之其公如此年七十薨謚曰簡贈列侯

**建字子建**少遊長安與崔篆友善及篆仕莽因勸子建仕對曰吾有布衣之心子有衮冕之志各從所好不亦善乎吾聞富貴貧賤志各相垂垂而相友非中情也請從此辭歸終于家



**奮字君魚**

少從劉子駿受春秋左氏傳潛心於學遂精究其義子駿自以學不及也其或訪經于駿者輒曰可聞君魚由是大以春秋見稱當王莽之亂避地河西依大將軍竇融以為上賓從容論道除姑臧長奮素孝謹在姑臧惟老母珍膳妻子蔬食而已姑臧在河西最為富饒在職四年力行清潔為衆人所笑以為身處脂膏不能自潤及融入朝諸守令財貨連載彌滿川澤唯君魚無資單車就道帝以為武都丞遷太守賜爵關內侯以清儉聞

**東漢**

**僖字仲和**

章帝初拜蘭臺令史元和二年帝東巡幸關里祀孔子作六代之樂大會孔氏男子二十以上者六十三人命儒者講論僖因自陳謝帝曰今日之會寧于鄉宗有光榮乎對曰臣聞明王聖主莫不尊師貴道今陛下親屈萬乘辱臨敝里此乃崇禮先師增輝聖德至于光榮非所敢承帝大笑曰

非聖人子孫焉有斯言拜僖郎中從還京師使校書東觀冬拜臨晉令在縣三年卒

**長彥**

僖子也與弟季彥自為師友研精墳典十餘年兄弟講誦皆可聽學士來者有聲名不師孔子那得成一季彥末初二年夏河南四縣雨雹大如斗傷禾稼天子躬自責省求有道之士亟陳厥故上召見於德陽殿對曰此皆陰乘陽之徵也今貴臣擅權母后黨熾陛下增修聖德慮此二者而已帝默然左右皆不喜季彥知之曰吾豈容媚勢臣而欺天子乎歸老于家

**昱字元世**

少習家學大將軍梁冀辟不應舉賢良方正對策不合辭去後遭黨事禁錮靈帝即位徵拜議郎補洛陽令以師喪棄官終于家自霸及昱爵位至卿相牧守者五十二人列侯七人

**融字文舉**

褒成侯霸七世孫也父佃泰山都尉融幼有異才年十歲隨父詣京師河南尹李膺



目為偉器年十三喪父哀悴過毀杖而後起州里稱  
 孝性好學博涉該覽山陽張儉為中常侍侯覽所怨  
 下州郡以名捕儉儉與兄褒有舊亡抵褒不遇時融  
 年十六謂曰兄雖在外吾獨不能為君主邪因留舍  
 乏後事泄國相以下密就掩捕儉得脫走并收褒融  
 二人送獄未知所坐融曰包納舍藏者融也當坐褒  
 日彼來求我非弟之過請其其罪吏問其母母曰家  
 事任長妾當其辜一門爭死郡縣疑不能決乃上讞  
 之詔書竟坐褒融由是顯名性寬好士嘗嘆曰座上  
 客嘗滿尊中酒不空吾無憂矣州郡禮命皆不就辟  
 司徒掾遷虎賁中郎將會董卓廢立融每因對答輒  
 有匡正之言以忤卓旨轉為議郎時黃巾寇數州而  
 北海最為賊衝卓乃諷三府因舉融為北海相融到  
 郡收合士民起兵講武置城邑立學校表顯儒術薦  
 舉賢良鄭玄彭璆邢原等雖一介之善莫不加禮融  
 負其高氣志在靖難在郡六年劉備表領青州刺史  
 建安元年為袁譚所攻乃奔山東獻帝即位徵融將  
 作大匠遷少府每朝會訪對融輒引正定議公卿大

夫隸名而已見操雄許漸著數不能堪發辭偏宕多  
 致乖忤操益憚之然以融名重天下外相容忍內積  
 嫌忌郝慮復構成其罪奏融欲規不軌宜極重誅書  
 奏下獄棄市妻子皆被誅初女年七歲男年九歲以  
 其幼弱得全寄他舍二子方奕融被收不動左右曰  
 父執而不起何答曰安有巢毀而卵不破者乎主人  
 有遺肉汁男渴而飲之女曰今日之禍豈得父活何  
 賴知肉味乎兄弟號哭而止或言於曹操遂盡殺之  
 及收至妹謂兄曰若死者有知得見父母豈非至願  
 延頸就刑顏色不變見者莫不傷之初京兆人詣習  
 元升與融相善每戒融剛直及被害許下莫敢收者  
 習往撫尸哭曰文舉舍我死吾何用生操聞大怒將  
 收習殺之後得赦出魏文帝深好融文辭歎曰楊班  
 儔也募天下有上融文章者輒賞以金帛所著詩頌  
 碑文論議六言策文表檄教令書記凡一十五卷文  
 帝以習有繫布之節加中散大夫

晉



衍字舒元

少好學年十二通詩書公府辟舉不就避地江南元帝引為安東參軍專掌記室中

興初與庾亮俱補中書郎明帝在東宮領太子庶子時庶事草創衍經學深博又練習舊典朝儀軌制多取正焉由是元明二帝並親愛之王敦專權衍私於太子曰殿下宜博延朝彦搜揚才俊詢謀時政以廣聖聰敦聞而惡之乃出衍為廣陵郡守時人為之寒心而衍不形于色雖郡鄰西賊猶教誘後進不以戎務廢業石勒常騎至山陽救其黨以衍儒雅之士不得妄入郡境大興二年卒于官

愉字敬康

年十二而孤養祖母以孝聞晉愍帝建興初始出應召為丞相掾時年已五十以華

軼功封餘干亭侯嘗行經餘干亭見籠龜於路者愉買而放之溪中龜左顧者數四及是鑄侯印龜左顧三鑄如初為司徒長史遂佩馬遷侍中太常及蘇峻反愉服守宗廟初温嶠母亡遭亂不得歸葬峻平愉往吊嶠嶠執手而涕曰天下喪亂忠孝道廢能持古人之節歲寒不凋者唯君一人耳時人感愧與王導

不和出為會稽內史在郡營山陰湖南數畝之田為宅居之便棄其官資送數百萬一無所取年七十五卒謚曰貞

淳之字彥深

祖愔尚書祠部郎父粲秘書監徵不就

所稱性好山水每有所遊必窮其幽峻或旬日忘歸常遊山過沙門法崇因留共止宿遂停三載及還不告以姓名除著作佐郎太尉參軍並不就居喪至孝廬於墓側服闋與徵士戴顓王敬弘等為人外之遊敬弘以女適淳之子尚會稽太守謝方明苦要入郡使人曰苟不入吾郡何以入吾郭侯曰潛遊者不識其水巢棲者不辨其林飛沉所至何問其主終不肯往茆室蓬戶庭草蕪徑惟牀上有數卷書元嘉初徵為散騎侍郎逃于上虞縣界家人莫知所之

坦字君平

有雅望善左氏春秋晉咸和初為尚書左丞遷侍中封晉安男加散騎常侍帝每幸



王導宅拜其妻曾氏有同家人坦嘗切諫由是忤導以疾求去卒贈光祿勳謚曰簡有集五卷臨終致書庾亮以中原未復為恨云

**南宋**

琳之字彥琳

強正有力少好文學解音律妙草隸恒因不見知時議欲廢錢用穀帛議曰洪範入政用錢交易聖人以無用通有用也何可廢之又議復肉刑之辨甚悉宋堊初建除宋國侍中永初二年為御史中丞直法無所撓武帝行經蘭臺親加臨幸卒贈太常不事產業家尤貧素有文集十卷

**北齊**

珪字德璋

風韻清遠不樂世務門庭之內草萊不除蛙鳴其中或曰子欲學陳蕃乎矣曰我以

此當一部鼓吹何事效蕃齊高帝為驃騎時舉為記室參軍與江淹對掌詞筆歷尚書左丞御史中丞秘書尚書終散騎常侍嘗上律文二十卷

**梁**

祐

少有至行通神隱于四明山中有錢百斛視如瓦石不顧嘗有鹿中箭來投躬為調養愈而自去太守王僧虔引為主簿不就隱去

休源字慶緒

舉秀才為梁晉安王府長史帝敕王曰

常於殿中別設一榻人不敢坐其敬禮如此歷中書舍人尚書左丞累佐名藩甚得入譽終金紫光祿大夫謚曰貞手校書七十卷有集十五卷

奐字休文

少孤為叔父虔孫所養好學善屬文仕梁為儀曹郎侯景陷建業公遭母憂在亂軍



中持三年喪以孝聞陳武禪位遷太子中庶子除晉陵太守清白自持郡號神君文帝徵為御史中丞公性剛直朝廷敬憚累遷中書舍人復為中丞尋為五部尚書累加侍中金紫光祿大夫卒年七十餘有文集十五卷彈文四卷

唐

紹安

隋大業末為監察御史唐初拜內史舍人賜宅一區詔撰梁史未成而卒有集五十卷

穎達字仲達

明左氏春秋王氏易鄭氏書詩三禮隋明經高第授河南內郡博士徵赴東都令與國子校書學士論難莫能屈補太學助教屬亂避地武牢唐太宗平王世充引為文學館學士武德中授國子博士貞觀初封曲阜縣男轉給事中數進忠言益見親待六年除國子司業遷太子右庶子與諸儒議曆及明堂皆從公之說又與魏徵撰成書史加散騎常侍又修定五禮眾有疑滯咸諮決於公書

成進爵為子賜物二百段以在東宮數有諫正文賜黃金一斤絹百疋拜國子祭酒仍侍講東宮太子幸國學釋奠命公講孝經公因上釋奠頌手詔褒美又撰定五經正義凡一百八十卷賜物三百段貞觀十七年以年致仕圖形凌烟閣卒贈太常卿謚曰憲陪葬昭陵子志終志終子惠元三世司業時人榮之

**巢父字弱翁** 少時與韓隼裴政李白張叔明陶沔隱聞其賢以從事辟之巢父知其必敗側身潛遁由是知名累授歸州刺史入為諫議大夫會晉王為荆襄副元帥署行軍司馬兼御史大夫尋屬涇師之難從德宗幸奉天遷河中陝華等州招討使累獻破賊之謀德宗甚賞之尋充魏博宣慰使巢父博辯多智對田悅之眾陳逆順利害君臣之道士眾欣悚喜怵曰不圖今日復覩王化數日田承嗣之子緒以失職怨望因人心搖動遂構謀殺悅稟命於巢父巢父因其眾意令田緒權知軍務以舒其難興元元年李懷光擁兵河中復以巢父充宣慰使朔方蕃漢之眾數千

陽里言

卷之九

八



皆在行列頗驕悍不肅聞罷懷光兵權咸忿恚咄嗟方宣詔謹懷光亦不禁止巢父遂遇害上聞之震悼贈尚書左僕射謚曰忠

**戡字勝始**

巢父兄子也進士及第補大理評事盧從史鎮澤路辟為書記從史寢驕與王承宗田緒陰相結欲效河朔事以固其位戡每秉筆至不軌之言極諫以為不可從史怒歲餘謝病歸洛陽李吉甫鎮揚州召為賓佐從史知之上疏論列請行貶逐憲宗不得已授衛尉丞分司洛陽詔出呂元膺不可上曰朕豈不知戡行將用之矣未幾卒贈司勳員外郎

**戡字君嚴**

戡弟也登進士第鄭滑節度使盧群辟為之戡無所屈入為侍御史轉尚書郎元和初改諫議大夫上疏論時政四條帝嘉納嘗論舍人李涉與中官交結言甚激切侍臣聞之側目人為危之戡高步公卿間以方嚴見憚累官尚書左丞為中官所惡出

為潼關防禦等使入為大理卿改國子祭酒十一年嶺南節度使崔詠卒二軍請帥宰相奏擬皆不稱旨因入對上謂裴度曰嘗有上疏論南海進蚶菜者詞甚忠正此人何在度退訪之或曰祭酒孔戡嘗論此事度疏進之即日授嶺南節度使時桂宣諸路騷動生蠻累歲用兵惟戡以清儉為理不務邀功交廣大治敬宗即位召為吏部侍郎二年轉尚書左丞累請老詔以禮部尚書致仕優詔褒美長慶中卒年七十二謚曰貞子遵孺温裕皆登進士第

**戡字方舉**

擢明經登第判入高等授校書郎累拜監察御史遷京兆尹出刺汝州又刺潭州遷湖南觀察使時兄戡為嶺南節度使兄弟皆居節鎮朝野榮之入為右散騎常侍復拜京兆歲旱文宗憂甚戡自禱曲池一夕大雨帝悅詔兼御史大夫卒贈工部尚書

**温裕**

舉進士位左丞天平軍節度使郵曹濮等處觀察使咸通十年奏捐已貲修葺祖廟



**温業** 長慶元年進士及第宣宗大中時為吏部侍郎  
求外遷宰相白敏中顧同列曰吾等可少驚孔  
吏部不樂居朝矣後遷太子賓客

**緯字化文**

大中十一年狀元及第釋褐校書郎歷觀  
中改御史中丞歷吏戶兵三部侍郎從僖宗幸蜀改  
刑部尚書判戶部事還京遷御史大夫僖宗移幸鳳  
翔詔令率百官赴行在時宰以田令改在帝側不欲  
行緯召三院御史曰吾輩世荷國恩累詔不奉非臣  
子義也凡布衣舊友緩急猶相救卹况在君親忍能  
之邪言竟泣下即日促裝至褒中拜中書門下平章  
事進位左僕射賜號持危啟運保義功臣食邑四千  
戶賜鐵券賜天興縣莊善和里宅各一區昭宗即位  
進加司徒封魯國公坐事出刺華州乾寧中召用骨  
鯁正人復拜司空兼門下侍郎同平章事不數日駕  
出幸石門公從至沙城疾篤先還京師家人召醫公  
曰天下方亂何久求生不肯服藥卒于第贈太尉

元和後孔氏子孫貴盛至正卿方鎮者甚多至公則  
登名輔云

**纁字微夫**

咸通元年狀元及第

**振字宗文**

咸通四年狀元及第

**拯字弘濟**

中和二年狀元及第一以上兄弟第四狀元  
今闕里有四狀元坊

**仲良**

唐蒲田令清苦自持卒于官因家焉今尚有世  
譜及唐誥刻石于縣齋朱文公熹嘗為訂其譜  
宋淳祐中官創涵光書院建先聖殿又為立聖賢莊  
以教養孔氏子孫五代孫元龍嘗跋其譜云

**宋**

**宜字不疑**

為入重厚宏博友愛諸弟飲食不共則不  
悅教誨諸子必委曲誘之進喜怒不形于  
色為政臨民不喜用刑嘗以德化竟以勞于王事沒  
于邊境世稱其忠云詳具世紀



勗字自牧

進士及第以殿中丞通判廣州清儉著聞  
被召蕃酋爭持寶貨以獻一無所受慰而  
遣之累遷秘書監管勾祖廟以尚書工部侍郎致任  
卒贈吏部尚書

道輔字原魯

勗子也自幼端重舉進士第為寧州軍  
事推官數與州將爭事有蛇出天慶觀  
真武殿中一郡以為神州將帥官屬牲奠拜之欲上  
其事道輔徑前以笏擊蛇碎其首觀者初驚後莫不  
歎服遷大理寺丞知仙源縣主管廟祀事約束族屬  
一繩以法因廟制卑陋請加修崇再遷太常博士章  
獻太后臨朝召為左正言受命日論奏樞密使曹利  
用尚御藥羅崇勳竊弄威柄宜早斥去以清朝廷立  
對移刻太后可其奏乃退未幾除右司諫龍圖閣待  
制奉使契丹宴使者優人以文宣王為戲道輔艷然  
徑出契丹主客者邀道輔還坐且令謝之道輔正色  
曰中國與北朝通好以禮文相接今俳優之徒慢侮  
先聖而不之禁北朝之過也道輔何謝契丹君臣默  
然又酌太卮謂曰方天寒飲此可以致和氣道輔曰

不和固無害既還言者以為生事且開爭端仁宗問  
故對曰契丹地為黑水所破勢甚蹙平時漢使至輒  
為所侮若不較恐益慢中國帝然之歷知青鄆徐許  
四州權御史中丞會郭皇后廢道輔率諫官孫祖德  
等十人詣垂拱殿伏奏皇后天下之母不當輕議詘  
廢願賜對盡所言帝使內侍諭道輔等至中書令宰  
相呂夷簡以皇后當廢狀告之道輔語夷簡曰大臣  
於帝后猶子事父母也父母不和可以諫奈何順父  
出母乎夷簡曰廢后有漢唐故事道輔復曰人臣當  
道君以堯舜豈得引漢唐失德為法刑夷簡不答即  
奏言伏閣請對非太平美事於是出道輔知泰州頃  
之徙徐州又徙兖州進龍圖閣直學士遷給事中在  
兖二年復入為御史中丞道輔性鯁特達遇事彈  
劾無所避出入風采肅然及再執憲權貴皆忌之為  
宰相張士遜所陷出知鄆州行至韋城病卒天下莫  
不以直道許之皇祐二年王素因對語及道輔仁宗  
思其忠特贈尚書工部侍郎一弟良輔性慷慨有  
吏才官至大理寺丞上章求退帝嘉之授太子中書



一三弟彥輔授將作監主簿父疾乞歸養十五年衣不解帶藥必先嘗鄉黨稱孝官至國子博士

宗翰字周翰

道輔之子也登進士第知仙源縣為治有條理遇族人恩不以私故翫法王

珪司馬光皆上章論薦由通判陵州為夔峽轉運通判提點京東刑獄知虔州城濱章貢兩江歲為水齧宗翰伐石為址治鐵鋼之由是屹然詔書褒美歷陝揚洪交諸州皆以治聞哲宗初求直言吏民上書以千數詔司馬光採閱其可用者十五人獨稱獎其二乃宗翰與王鞏也元祐初召為司農少卿遷鴻臚少卿上言孔氏子孫世襲公爵兼領他官不在故郡請自今襲封之人使終身在鄉里以奉祭祀詔改衍聖公為奉聖公不領他職給廟學田萬畝賜國子監書立學官以誨其子弟進刑部侍郎屬疾求去以寶文閣待制知徐州未拜而卒

宗旦

皇祐中任邕州司戶叅軍儂智高未反時州有白氣出庭中江水溢宗旦以為兵象度智高必

反以書告知州陳珙珙不聽後智高破橫州即載其親往桂州曰吾有官守不得去無為俱死也既而州破被執賊欲任以事宗旦叱賊且大罵遂被害知袁州祖無擇以其事聞贈太子中允

敗字寧極

隱居汝州性孤潔喜讀書有田百畝賦稅常為鄉里先遇歲饑分所餘賙不足者未嘗計有無動止必依禮法環所居百餘里人皆愛慕

之見敗于路輒斂以避葬其父廬墓三年臥破棺中日食米一盂壁間生紫芝數十本州以行義聞慶曆七年詔賜粟帛又給復其家近臣列薦授秘書省校書郎致仕居數年召為國子監直講辭不赴遷光祿寺丞頃之起知龍興縣復辭卒贈太常丞敗居山未嘗逢毒蛇虎豹或謂之曰子母夜行此亦可畏敗曰無心則無所畏晚年惟玩周易老子他書不復讀為太玄圖張壁上下外列方州部而規其中空之無所書日易所謂寥然不動者與此無異也

文仲字經父

少好學性狷介舉進士又舉賢良方正范蜀公鎮薦于朝召試對策極言新法



之害忤王安石見黜哲宗朝累遷起居舍人拜左諫議大夫上疏論青苗免役等法不便遷中書舍人有文集五十卷一第武仲舉進士禮部第一授秘書省正字累官禮部侍郎坐元祐黨奪職所著有雜文百卷一平仲舉進士入史館官至戶部郎中尤精於史學著續世說行於世天下號為三孔周益公必大序三孔先生清江文集云先聖四十八代孫也山谷黃庭堅論元祐人材有曰二蘇聯璧三孔分鼎云

**傳字世文**

道輔孫也精於易學操行介潔建炎初與家門故事除知邠州鋤強扶弱吏民畏服知陝州平鼎澧寇以功進秩又知撫州適建昌卒開單車往諭至則帖然進續白氏六帖文樞要記詔送秘書省所著有東家雜記杉谿集官至中散致仕年七十五卒

**端問字子誠**

本族譜載別卷一第端已字子正侍父渡江習見祖庭舊事舉以訓族歷官父介潔不污終奉議郎年八十一贈少保一端植字子固居官以介

索稱嘗字鄂之通城氏至今思之終奉直郎一端隱字子宜登紹興進士文林郎江陵府觀察推官德政有方吏畏民懷歷官十載清慎自持卒于官子瑄隨任以金侵難還卜葬屬縣句容福祚鄉因家焉一端位字子著儒林郎常德府錄事參軍清蕙與兄齊芳人號為五龍云

**元龍字季凱**

尚志篤學從真德秀遊任餘干縣簿後為柯山精舍山長以宣教郎致仕年九十手不釋卷所著有柯山講義論語集說魯樵斐稿奏議叢壁卒贈太子少師

**端甫字肅之**

明昌初翰林學士黨懷英薦其年德俱高讀書樂道該通今古堪任國學召至京師特賜及第除將仕郎以年老乞歸

元

**淑字世儀**

國子助教秘書省著作郎纂修元朝一統誌陞承事郎秘書省承務郎朝城尹贈河

淑字世儀

場任



南江北行中書省叅知政事

元敬字忠卿

幼有大志父嘉以事繫獄時元世祖行軍至濮日夜馳三百里訊于轅門一見

奇之釋其獄辟為青陽尹時民多避山谷公設法招徠不期月成聚時群寇蜂起臺議招撫僉曰非孔忠卿不可毅然往諭以禍福采平之釋其脅從數萬人遷興化路經歷引年致仕歸撰素王世紀行於世

思逮字進道

曹州教授左三部照磨大樂署丞轉署

祖廟雅樂不脩許乘傳浙西造登歌雅樂三獻法服等途祖廟常著大元樂書若干卷

思迪字凝道

西臺監察御史言人倫之中夫婦為重

比見內外大臣得罪就刑者其妻妾即斷付他人似與國朝旌表貞節之旨不侔矣夫亡終制之令相反况以失節之婦配有功之人不可也今後凡負國之臣籍沒奴婢財產不必罪其妻子當與刑者則孥戮之不必斷付他人均得守節請者為令

拜內臺御史抗章奏事稱旨錫金織紋綺

涇字世清

篤信好學元末翰林國史院檢閱官以兵亂譜籍散失為恨乃叅訂子史并哀宋元

故事編成譜籍藏於家盡心於家門者世稱此公云

思晦字明道

家貧躬耕養母居母喪勺水不入口者五日以延祐三年襲封衍聖公襲爵後

嘗以宗祀責重恒懼弗勝每遇祭祀必敬必慎初廟燬于兵乃言于濟寧路總管張仲仁請于朝竭力營度以復其舊祭器禮樂悉加整飭又以尼山毓聖之地故廟已毀請置尼山書院列于學官又請加封聖考為啟聖王朝廷悉從之詳具世紀

皇明

克堅字璟夫

思晦子也至元六年襲封公爵洪武改元

陽里志

卷之九

五

楊仕



太祖手詔入觀至京師進見於謹身殿  
 上望而呼曰老秀才來前年幾何矣對曰臣五十三歲  
 上曰我看爾有福快活活人也不委付你勾當汝祖宗遺  
 下三綱五常垂憲萬世的好法度汝家若不讀書是  
 不守爾祖法度也若老矣時常寫書教訓爾子孫不  
 可怠惰了能繼爾祖之烈於我朝代中復生得一輩  
 好人豈非盛事乎克堅頓首謝二十一日于謹身殿  
 具奏臣將

主上戒諭的聖旨條細寫將去了  
 上曰好好說與他少吃酒多讀書餘具世紀

克伸字剛夫

博學能文尤工於詩當元末兵亂流離  
 避難中奉養二親極孝道及

天兵平定中原親老肩負而歸鄉黨稱之保授世職當  
 皇祖法度森嚴之日以清慎見稱屢下褒旨在任招撫  
 流亡睦恤宗族修葺祖廟尼山沐浴酒煥然一新境內  
 大治後入鄉賢

希學字士行

克堅子也明敏好學尤工漢隸初克堅  
 入仕於朝以希學襲封戊申

大祖革命希學首朝京師

上召問古今治理奏對有敘

上嘉之錫金幣遣歸洪武改元仍以希學嗣封每歲入  
 朝班亞上相中使臨勞館餽牢醴沾及輿隸一日入對

上問年幾何對曰臣三十有九  
 上曰今去爾祖幾何年矣對曰幾二千歲

上曰世代綿遠如此而人尊敬如一日何也只為爾祖  
 明綱常興禮樂正彝倫所以為帝者師傳至萬世其  
 道不可廢也且聖人無所不學無所不通故得為聖  
 如問禮老聃學琴師襄所謂學無常師也即如萍實  
 之對雖童謠尚識之不忘况道德之與乎朕以爾聖  
 人之裔不欲以政事煩爾正謂保全爾也爾若不肯  
 讀書孤朕意矣凡人年少不肯向學年近四十志慮  
 漸凝定識見漸老成正當讀聖人之書親近師友講  
 明道義學成之後四方聞者皆來執經問難曰此無  
 愧孔氏子孫豈不美與希學頓首謝時兵燹之後廟  
 祀廢弛至是修飾廟庭禮器儀章煥然具備皆希學  
 之請也年四十七卒



### 諤字貞伯

末樂六年以儒士中山東鄉進士時年二十有二明年春會試禮闈擢乙榜第一時

仁宗昭皇帝以太子監國謂近臣曰我朝孔門子孫未有出仕者今有此一人何不敢進士對曰考試至公

雖父子不容私吏部欲除教職仁宗詔見曰孔諤年少俊偉務着中進士命冠帶送國

子監讀書肄業未幾春坊左中允員缺仁宗顧謂東宮官曰春坊中允幾品對曰正六品曰着

孔諤做教

皇子諸王又賜第宅一區及器皿諸物師道嚴正一無所阿轉大理寺評事改雲南道監察御史巡按江西

遼東所至風紀振肅勅封文林郎封其父希麟如其官終于河南按察司僉事常著中庸補註三篇繕寫進呈

上嘉之賜五經四書各一部有舞雩春詠集二十卷

### 公恂字宗文

少聞敏好修摘藻妙一時正統甲子以禮經中山東鄉試景泰甲戌會試禮部

中式比及廷試聞母疾憂形于色遂不入上知之問禮臣曰公恂何為不入廷對禮臣奏以聞母疾故也

上曰聞疾而未育計音可召入對俾錦衣人賞金牌召乏遂入時已報卒試卷弗及備命翰林院給紙筆條對

洋洋切中時政登二甲前列既聞母憂歸守制服闋赴京授禮科給事中時天順丁卯也至癸未

上遴選臣工務求稱選當事者以孔公恂司馬恂薦俱授少詹事拜命之日

上喜見天顏繼進宮壺謂孝肅皇太后曰朕為汝子得一賢臣為輔孔公恂聖人

之後也司馬恂賢人之後也太后具服謝之貴喧傳以為美事云

憲廟初改大理寺左少卿封中順大夫封其父信如其官未幾復以詹事兼左諭德丙戌坐言事出知漢陽

府遭父喪不果行庚寅復以詹事南京管事進階中憲大夫卒于官朝廷遣官諭祭孔氏甲科自君始



公怡字友文

中順己卯山東鄉試梓其文以為式

相保君獨以為己責請粟於巡撫遂得賑恤同宗千餘口存活于危亡之日者皆君之力也嘗謂孝經乃聖門教入第一義顧後儒穿鑿竄易使聖賢心法晦蝕乃尋文究義而重訂正未及上而卒

公郁

自幼好學富而不驕宗黨困窮者量其事而贈之路有以急道告者即解所衣貂裘付之天順二年鄰封饑出粟千餘石散于眾曰此天厚我我何吝為己有而不公于人乎

純皇帝幸學應

詔觀禮錫宴賜衣仍賜次子彥禧為太學生成化乙酉淮南大祲公載麥千斛往輸於官

當道義之具奏

恩賜承仕郎七品散官歲給與皂肉米

彥祿字朝庸

成化戊子舉人授裕州知州州多大豪以農桑民愛之如慈母卒于官男女巷哭罷市父者百餘途喪之闕里復留所乘馬助喪有呂姓者獨留

不歸人問之泣曰公活我恩未報願留供香火竟不去呂及公之子承懿具棺禮葬之人重呂之義而多公之德云嘉靖二十八年入鄉賢祠

承夏字永功

父彥允母雷氏九歲喪父哭甚哀見者動之及長躬耕奉母其貞母疾衣不解帶者累月母卒廬墓側朝夕哭奠如初喪正德間奉

聞諭字知教

父弘文病日夜侍榻側灸則分痛藥必親嘗父卒哀毀踰禮禮既葬廬三年按院朱公巡歷本縣命有司師生以禮幣詣廬存問嘉靖

六年奉

彥侔字朝德

嘉靖八年歲貢任浙江定海縣儒學訓導生徒束修一介不受陞任之日門弟子追送數百里外泣別入名宦祠陞高陽縣教諭致仕歸



承厚字永載

四氏學錄彥衢之子母盧氏厚天性篤孝父母相繼捐館哀毀幾于殞生及葬廬墓各三載朝夕哭奠未嘗息肩兩院以孝行薦授本縣知縣未幾致仕歸

弘實

貧而至孝父卒廬墓三載母卒亦如之惜其貧未表揚耳

承懿字永叔

慷慨正直酷嗜子史為文若不經意落筆即能底章敘迹沂上不入城府雖神寒盛暑手不釋卷家事略不繫心惟留意釐正宗門雖忤于時不恤也性不喜飲惟酌鄉人竟日不忍去嘗論人以孝友兼示以鑿卜等書令自釋怨去疾蓋家門之隱君子也卒年七十有五所著有橋梓聯編子弘幹任魯府審理進階奉議大夫留心家門典故所著有孔門僉載橋梓聯編文獻集談柄等書行于世

關里誌卷之九

終



